



09102

碑傳集

第十一冊
雍正朝宰輔

部院大臣



卷二十二
之二十三

碑傳集卷二十二目錄

雍正朝宰輔

太子少保禮部侍郎徐公元夢行狀

陳兆崙

張文端公鵬翮傳

彭端淑

附錄九則

文華殿大學士太傅朱文端公賦神道碑

袁枚

又光祿大夫太子太傅文華殿大學士兼吏部尚書加五級贈太傅朱

文端公墓誌銘

張廷玉

子告光祿大夫太子太傅文華殿大學士兼戶部尚書田文端公從典

墓表

李紱

光祿大夫太保兼太子太保和殿大學士致仕諡文和桐城張公廷

王墓誌銘

汪由敦

武英殿大學士太傅文端公鄂爾泰行略

袁枚

又鄂文端公逸事

袁枚

又西林鄂文端公逸事

雷鉉

記所聞相國福敏公語

雷鉉

碑傳二十二目



Vertical text columns on the left side of the page, including page numbers and additional titles or names, partially obscured by the watermark.

雍正朝宰輔

太子少保禮部侍郎徐公元夢行狀

陳兆嵩

按年譜公名元夢字善長號蝶園姓舒穆祿氏舒與徐滿音略同而字義亦近故天下稱蝶園徐先生公知名早仕宦垂六十餘年性剛介負氣不苟隨人可否中年以後精研理學益以涵養言貌温温若惟恐傷人者而中持白黑卒無所依違附和蓋信道篤而力行不惑者也公生十有九年成進士改庶吉士乙卯散館以主事用越九年由主事改官中允日講官起居注遷侍講康熙二十六年

命入內廷授

皇子書同官德格勒善言易為言事者所劾事連公下獄免死入辛者庫三十八年起為內務府員外郎越四年再革職尋起為內閣侍讀學士壬辰充會試考官再遷內閣學士出辛者庫距其得罪之始凡二十有六年出為浙江巡撫又二年由巡撫入為都御史兼掌院學士先是都御史員缺

碑傳二十二

上諭廷臣保舉學問好不畏人如徐元夢者隨有是命六十一年冬

駕幸南苑公未及從

御製詩一章并序副以食品遣使于夜分呼正陽門入即家以賜蓋聖意以病中忽憶及三十年以前詞臣罕有存者故以是覘公凡孤臣直節不容于眾口顛跌至再三在

聖祖朝間有而晚節類被榮遇不令湮鬱以終至如既老而蒙異數如家人婦子則惟張伯行李光地及公數人而已

憲皇帝即位以舊學故特重公有加禮雍正元年由工部尚書協理大學士事充明史總裁官改戶部四年坐繙譯訛誤落職在內閣學士裏行走八年再黜坐撫浙時失察案

今天子改元之初復內閣學士遷禮部侍郎充

實錄及三禮館總裁仍

命入上書房授書

皇子四年加太子少保六年之冬公疾革

上遣使問所欲言公伏枕流涕曰臣受恩深重心所欲言口不能盡使者既返呼曾孫常取論語檢視良久乃罷及卒

上痛惜之爲頒特詔優卹視大學士榮哀備焉公撫浙時清約若寒素捐俸葺敷文書院書院故號萬松以公諒上賜榜易今名買田聚書以惠學者高安朱公踵行之兩浙人文之盛自此始凡繙譯經書不經公手定於文義或毫釐千里故今稱善譯無有出其孫步軍統領赫德之右者七年其嗣君爲公卜宅兆將下窆求誌墓于今相國西林鄂公相國之季故戶部尚書諱爾奇公爲余庚戌座主出公門相國因屬余按譜爲稿草狀其大略便取擇焉

張文端公鵬翮傳

彭端淑

公姓張氏諱鵬翮字運青諡曰文端蜀遂甯人也父光祿公某夢祥雲繞室覺而生公幼端靜如成人有大志嘗讀陸宣公奏議至貨賄之際云云慨然歎曰伊尹一介不取孔明淡泊明志先聖後聖其揆一也康熙己酉舉於鄉明年成進士入翰林時館中競以文藝相餉公年最少獨與魏環溪諸公講學不倦癸丑改刑部主事尋遷員外郎嘗辨疑獄不避權貴人皆憚之再遷禮部郎中上召見賜太液鮮鯉以郎官邀殊恩自公始庚申

碑傳二十二

二

特簡知蘇州府事未幾以太夫人憂去服除補兗州甫下車釋冤民三十人全婚姻一人因學者屢遷兵部督捕右理事時

上方重于公成龍問諸臣中誰可繼者眾以公應於是命與內大臣同使倭羅斯路經喀爾喀地初額諾德儀古案今爲額與喀爾喀爲難魯特對音同

上嘗命達賴喇嘛解之至是復交搆喀爾喀聲言王師將援以給敵公聞之言于眾曰古人有言慮善以動此行適中額諾德之忌當預計之毋使生變眾迂其議俄而額諾德果執我前軍眾驚欲退公急止之曰不可受

天子命奈何示小醜怯且吾退而彼襲其後將何以禦莫若陳師固壘以張之而徐遣一介以通其故彼若跋扈再計可也眾猶豫公厲聲曰事出危難正臣子捐軀致命之日公等皆怯某獨當之眾不敢拂于是從公前計額諾德服罪使還轉左理事再遷大理寺少卿己巳扈從南巡還至吳門授浙江巡撫公之撫浙也約以率下興利弊旌奇節安流徙七年士敦實行人息競爭會請免捐穀時議欲中傷奏上仍留任尋遷兵部侍郎浙民感公德扳轅涕泣繪其像於竹閣曰俾無忘我

公之惠政旋充江南學政三年

上嘉其操賜書獎諭曰從前作清官者宋文清一人近日張某堪與之

匹遂遷都察院左都御史會淮黃泛溢南北阻絕運道難通議者欲改

海運

上特調公總河命經其事公博考輿圖徧尋故迹于河自開歸至雲梯

以下於淮自洪湖溯時泗以上按審形勢歎曰河性本直而壩曲之是

拂其性也河流入海而隘其口是阻之流也昔之淮南高而北下今之

淮西亢而東傾而以數寶爲之牽引欲其還向清口不亦難乎欲疏河

必開海口欲出清必塞六壩海口不開譬之果腹而尾闕不暢也六壩

不塞譬之卮漏而中無蓄停也乃陳十策願以便宜行事

上報曰可於是擇人任使遣王景塞館陶之法修明潘季馴江一麟所

築歸仁堤之遺圯攔黃壩杜諸決口倍大河南北之堤曲者使直而河

水朝宗堵唐梗六壩開張福口裴家場濶泥淺三汊儲及張帥諸莊挽

全湖之水并力敵黃而清淮以出是役凡耗帑數百萬有奇公不以一

錢利己故下亦感激輸忱樂爲之用當是時水安其道民甯其居舟行

不驚淮運乃濟時人爲之語曰昔之帑肥於人今之帑肥於地美公潔

也其居民爲之謠曰塘梗築兮水不通白駒開兮下河通海不揚兮水

不湧民樂其中兮人安而歲豐頌公功也先是陳家莊外近漫灘內逼

湧泉狂瀾騰沸相傳有水怪焉公爲文祭之三日有狀如牛徙去於是

癸未

上南巡自清口至桃源周行徧視河黃淮清回視公曰朕三十年前泊

舟於此水不覆堤者數寸今安濶若此卿之功也公頓首謝曰此皆奉

我皇上經畧非臣功也

詔爲刑部尚書尋轉戶部尚書再遷吏部尚書

上嘗以公公直廉明凡有大疑獄輒遣判之前噶禮之參陳鵬年也公

直鵬年而曲禮公子某牧懷甯屬禮下例得薦禮語同列曰吾且殺張

家子姑從民望寬之尙望薦乎公按姦發伏振摘是非無所容同多類

世宗卽位元年拜武英殿大學士

上在藩邸洞悉天下利弊及中外臣僚淑慝故初御極卽有是命其子

某及某孫各賜爵有差時

上方勵精圖治毅然更新公亦以身任天下事因能授任持大綱去煩

細時議稱賢相焉公自弱冠入仕及為相凡五十餘年名滿天下

主上不疑同官不忌考諸史冊往往難之年七十七卒遣子以邊防河

防海防三大務遺奏

上悲悼減膳贈少保諡文端賻賜甚厚公兩知貢舉及同考官所拔多

知名士三視河當為相

上猶遣公曰以位則卿不當差以齒則卿亦不當差然徧視諸臣無出

卿右者蓋公長於治河凡所經畫無不完固至今數十年來遵守其法

不變某丁未試南宮

上以春寒賜天下貢士綿衣薑茶試畢羣詣

闕謝恩大宗伯吳公襄宣於眾曰

上有旨汝輩他日作官當如張鵬翮朱軾方不愧朝廷其見重如此

贊曰蘇子有言其生有自來其逝有所為聞公初入棘闈監臨某公夢

緣衣白馬人入某號以為奇使人記其名於簿試竣按之公名列焉祥

雲繞室之兆洵非誣云

附錄九則

大學士張文端公康熙庚戌進士由庶吉士仕至武英殿大學士雍正

三年卒年七十七著有奉使俄羅斯行程錄河防志

擢河東鹽道修復鹽池釐政大舉內轉督捕右理事賢良公

巡撫浙江時康熙二十七年清漕弊覈鹽課建定海縣城同

疏人字芒稻等河引運河水注江築挑水礪疏陶莊引河使清水敵黃

水無倒灌之虞挑蝦鬚等河引下河積水入海通志

漕艘進口舊在駱馬湖旁鑿渠名中河後又改挑新中河而淺狹不利

行舟鵬翮參用新舊兩河之半合為一河各建石閘以避黃河百八十

里之險從楊莊新閘出口漕運永賴他如通射陽湖則開蝦鬚溝瀉淮

揚積水則溶涇澗兩河復流水故道則修築禹王臺隄址成有成績賢

上以仲莊閘清水出口逼溜使南恐礙運口

命自陶家莊以下楊家莊處開挑引河令中河之水從此出口雖楊家

莊地勢低窪間有倒灌不過一二里清水仍然頂出鵬翮乃相度形勢

於清邑中河鹽壩施工挑挖令中河之水穿子隄由雙金門闌入鹽河

至花家莊迤東穿黃河縷隄至楊家莊出口又於花家莊鹽河撐堤之

上建開洩水漕鹽兩利動帑七萬八千餘兩河道大治陸燿河

山左汶水旱涸運道中梗奉

命勸視請疏濬坎河雞爪諸泉分注南旺濟運而於彭口築挑水壩障

沙水入微山湖又往豫省閱視決河備陳引沁入運利害謂地勢西北

高而東南窪若沁從高直下而黃河躡其後患且巨測鵬翮諳練河務

諸所建白不苟隨眾附和

聖祖每優詔從之賢良

疏請賢良 敕下史館編輯治河事宜遴選進士舉人學習精通發工效用

上卽以命鵬翮於是纂成

聖謨全書二十四卷恭呈乙覽傳

世宗登極以馬營決口復銜

命至豫相視鵬翮議并塞詹家店四口黃沁合處有沙灘應加濬刷繪

圖以進悉

嘉納鵬翮平生居官清儉方整有器局於河工最著聲績賢良

文華殿大學士太傅宋文端公軾神道碑袁枚

乾隆元年秋八月十五日

今天子命車駕親臨大學士朱公第祝疾又三日公薨

天子再奠于其第加贈太傅諡文端冬十月公長子通政使右通政必

培次子翰林庶吉士璣輿機歸葬剛日已卜求文其貞珉以光揚休命

枚伏考史冊堯學于子州父舜學于務成昭古之聖人皆有所從遊以

增崇其欽明二臣者雖訂謨無聞而要其能為堯舜之師其人必邁臬

變而上公奉

世宗詔侍

皇上青宮最久

皇上登極未一載仁言聖政重累而下九州八陔靡不異音同歎慶堯

舜復生然則公啟沃之功可以想見而公之風概又豈可求諸唐虞下

哉公諱軾字若瞻號可亭世居江西高安縣公宣髮廣穎音中黃鍾鬚

數十莖羅羅可數康熙癸酉舉人甲戌進士入翰林改知湖廣潛江縣

事治獄忤摠督某巡撫劉公殿衡至日吾久聞朱令賢今觀所爭獄益

信為解于督臣而薦之遷刑部主事轉郎中督學陝西尹奉天再遷左

都御史巡撫浙江

世宗登極累遷吏部尚書文華殿大學士故事宰相莅任必詣翰林衙門公去而復至海內榮之其撫浙也浙西瀕海衢洋石墩多風魚之災公榷老鹽倉淤中小壘渚夏蓋山功成氓廬大安其任風憲也大將軍年羹堯以大逆誅父還齡年八十餘法當從坐九卿俱畫諾矣公不署名

世宗責問公奏以子刑父非法也臣簿錄年氏家書還齡訓其子甚嚴子不能從以陷于罪罪在子不在父

世宗頷之還齡竟免其辦治直隸營田也以漳衛諸河為經以趙北口兩淀為咽喉穹壤引泉凹坻衛隄溉田六千頃其督賑山西也安流庸禁遏糶勸糶粟請留漕立醫廠增驛夫兩隨禱降民與災忘公潛躬味道神識擬然而于孜贊軍國靜密詳審朝廷倚如金城故為都御史時請終父喪

聖祖勿許在營田所請終母喪世宗勿許公雞斯徒跣洵涕力請至于批鱗叩閣章三四上黃門近御皆咋舌瑟縮奪毀奏稿九卿大臣慰勸者相環而公陳之愈力萬不得已則引古墨經禮請從征西戎

真傳二十二

六

兩聖人愛其忠難須臾離閱其孝重違其意乃

補原官

詔如怡賢親王居母喪故事勿朝會勿吉服勿

國家有大事公卿詣廬中咨謀性介而和病門生某餽葎公呼謝者再開封稱量畢仍還之日以束修問先生於誼甚古受之無所為非第書不云乎享多儀儀不及物吾體未羸無藉於葎故稱量之則已受汝儀矣奚必及物耶

今上在藩邸時聞公講生民休戚歷朝治亂尤悉既即位凡所陳奏無不張施公自知道可大行輔志弊謀如恐不及乾隆元年首陳除開墾省刑罰兩疏其他語秘外不盡知然公已七十二歲鬢頽秃且盡天子恐用公晚一切大事虛已咨詢公亦忘身殉國竭筆筆之思卒以成疾輔

念新君九閱月而薨其遺表曰臣遭盛世入綸扉既老且疾口垂閉矣伏國家萬世根本君心所重者理財用人而已臣核國儲經費綽然後有言利之臣倡為加增者幸勿聽之至於君子小人之辨尤易混淆尚書逆于汝心遜于汝志二語願

皇上時以爲念則臣魂魄長逝永無遺憾章上海內傳誦之所著有春秋詳解三禮纂名臣循吏等傳夫人陳氏先公亡合葬某銘曰

惟天以

聖清有德篤生良弼惟

帝以聖相有庸恩始榮終奕奕太傅學爲儒宗禔躬何約艾物何豐孤終既協陰陽就宮變酌養瘠休我王風凡彼百工倖倖衝衡或才之忌或盛名之攻至于太傅而曰君子竟罔不僉同梁木壞矣心支明堂舟楫朽矣慮海波之或揚讀公遺表惓惓

君王身墜泉底心立殿旁舉謨說命餘音琅琅配于

太廟祀于太學書于旂常葬于礪礪松柏九九羊虎躍躍永峙一碑以

抗五嶽

又光祿大夫太子太傅文華殿大學士兼吏部尙書加五級贈太傅朱

文端公墓誌銘 張延玉

乾隆元年秋八月己卯光祿大夫太子太傅文華殿大學士兼吏部尙書加五級朱公薨於位先是五日御醫以公病勢聞

上方有祀事齋戒

命和親王問疾越翼日丙子

上親臨賜第慰問良久既薨

上聞震悼輟視朝一日

親臨哭奠贈以帑金贈太傅入祀京師賢良祠諡曰文端逾年匱南歸

以某年月日葬某鄉某原公姓朱氏諱軾字若瞻號可亭世籍江西瑞

州之高安十世祖永樂進士官刑部郎諱益者治獄多隱德曾祖諱崇

遂祖諱朝綬邑諸生考諱極光自曾祖以下皆以公貴贈光祿大夫太

子太傅文華殿大學士兼吏部尙書曾祖妣李氏祖妣張氏孫氏妣冷

氏皆一品夫人公爲人小心精敏而優游充澹若不見其能事上遇人

一本於誠不爲矯飾篤弼

三朝褒寵備至益恭謹自始仕至極貴其居室衣服食飲見者不知爲

貴人所薦達士皆不使其人知不名講學其於心術義利公私之辨

國家行政用人忠邪興壞得失之方持之醇如也康熙三十三年以領

解第一人成進士改庶吉士又改潛江縣知縣以斷獄不阿制府意制

府怒累臧公不爲動且劾矣會新撫至謂制府如公言朱令賢也何劾

爲以薦入爲刑部主事轉員外郎郎中尤盡心於獄訟有借逋公庫已

奉

旨寬追呼或欲以培克爲能誅求甚急公力持不可久之卒如公議

聖祖因是知公名四十八年充會試同考官

命提督陝西學政以關中先儒張子知禮成性變化氣質之學爲諸生摩刮秦士大悅歲試冊報部科公不名一錢部科吏怒拒冊不收故遲之爲公罪鑄二級調用時科試未竣代者且至秦士入試院合詞監臨者請奏留公不得則大譁監臨者爲好言慰之會有以其事上聞者

聖祖知公操守特命竣試事退歸用九卿薦擢光祿寺少卿

聖祖意寢嚮用公久之超四級簡奉天府尹踰年擢通政使司通政使出撫浙江三年拜左都御史丁父憂

命在任守制公具疏懇請終制不許則請歸葬畢以墨綾效力軍前又不許時山陝二省大饑以公往山西視賑事事竣趨密雲迎

大駕又

命往山西試行水利社倉甫至又

命往陝西讞魏二等獄獄具還京師得假歸葬

聖祖宴駕公星馳赴哭

神傳二十二

八

梓宮

世宗卽位銳意興治國家大政及進退人才必詢謀公雍正改元拜吏

部尙書四月充

恩科京兆正主考加太子太保給假歸爲母冷太夫人壽

賜御書及尙方珍物無算是年復充

恩科會試正主考拜文華殿大學士兼吏部尙書丁母憂家訃未至巡

撫先以

聞公時在營田水利工所

世宗知公至孝恐驟聞過哀毀且召公至慰諭而

諭通政司及公在京家屬無先以訃告

命江西巡撫以司庫銀二千兩昇其家治喪公歸又

賜帑銀二千兩以公貧故也而

諭到家守孝百日卽來京辦事公奏請解任終制益力是日又

諭閣臣大學士朱軾所奏情詞迫切宜允所請但三年爲時甚久目前
有畿輔水利之事正資料理可於八月前來京師委任顧問公家居喪
次一年葬畢抑哀復命至則

世宗遣學士何國宗副都統承福出迎賜膳命以素服在內閣吏部都察院行走不補元官無與朝會燕享公時內總閣部外兼水利營田諸務勞憊甚疾大劇不入直一年具摺懇請解任

世宗手詔致諭宜寬懷頤養無以久未入直職務爲念明年解部務崑直內閣坐撫浙時失察呂留良私書吏議革職

命仍視事尋還職兼管兵部尙書事又署理翰林院掌院學士事十三年復出相度海塘至中途聞

世宗宴駕公號慟趨還朝而
今上已有旨大學士朱軾老成望重令回京辦事尋

命協辦總理事務賜世襲騎都尉乾隆改元二月會試復充正主考又充纂修三禮館總裁官公爲政練達有體自爲縣及撫浙未嘗假賓佐摘伏多洞中吏不能爲奸政事之外益著書有餘暇浙俗競爲浮靡民朝不計夕弊甚公以身教儉除供億減出入儀從衣綈啖糲椽吏無敢曳紈綺凡里黨婚喪賓蜡燕會具有品式戒毋得越久之浙民便之郡邑長望風自飭公察吏嚴而不苛吏皆奉法北新關素爲奸蠹藪公至

神傳二十二

九

乃無敢括責浙西自衢洋至石墩鳳凰以迨乍浦澈浦梁莊數百里海潮汐爲害民安危倚塘爲命且築且圮公因地形水勢高下緩急爲捍禦開濬掘石丈尺紆縮皆有法度惟公所築至今無患雍正三年餘姚上虞會稽等縣塘衝決破傷民人廬舍

命公往勘還面陳形勢修治大要

世宗大悅悉如公議行公之視賑山西也先言便宜五事皆聽用凡銀米贏縮里甲戶口遠近多寡勸糶之方及所以散給者規畫詳盡守令惟受條約全晉賴以活公稔知天下州縣倉儲虛耗有司任意侵那一遇歲稔發賑遂以冒銷爲幸災民轉徙溝壑無賴乃因山西之饑爲上盡言其弊請嚴定章程飭下督撫勒補所屬虧空爲荒備又請易出陳易新爲擇地分貯或糶或借一視民便毋令吏得爲奸事皆施行國家歲轉東南漕數百萬而畿甸水穀二府之政不修幽燕多棄壤漳衛滹沱灤潞諸流百道歲泛溢爲害元脫營田之法西自西山西南至保定河間北抵檀順東至遷民鎮器具工作穀種費鈔五百萬錠歲則大稔不賴於轉漕其計夫授田則壤定賦水泉陂塘門堰捍築之方具見於往牒明之廷議紛紜欲復其蹟而不能其見於徐尙寶文定之論

尤詳惟戚繼光稍修於薊鎮豈後之水學無法不能如前謀國者亦無
爲近功尺寸之見不爾地利於古今豈有異乎公登政府時與怡賢親

王籌度畿輔營田水利合詞陳於

上發帑金百萬兩爲經費凡土方丈量水線水平散籌收籌及溝渠圍

堰諸法皆井井工且大興未幾而公奉

命出視海塘又以母憂歸又以疾求解職任十三年又自請赴浙視海

塘惜未竟其功公規畫大計務詳盡於生民利弊尤惓惓而督撫外吏

好興利爲功且爭言開墾病民尤甚當

今上卽位之初公首疏痛陳其弊言今四川丈量多就熟田加增錢糧

以成清丈之名廣西報部捐冊墾田數萬畝其實多係虛無因爲通行

丈量之舉冀將求熟田弓口之多餘以補報捐無着之數

大行皇帝洞燭情弊飭令停止丈量而前此虛報陞科之田業經入冊

責令輸糧小民不免苦累又河南報墾亦多不實請飭下各省督撫將

報墾之田逐一查明如係虛捏卽行題請開除無爲民累又言法吏以

嚴刻爲能不問是非曲直贓私先酌數目迫以極刑刻意株連惟逞鍛

鍊之長希著明斷之號請

碑傳二十二

敕下督撫嚴諭有司讞獄務須虛公詳慎原情酌理協於中正

上覽疏嘉歎悉爲施行而向之以興利爲功者稍相繼罷去其遺疏尤

懇懇於理財用人之際謂額徵所儲一切經費寬然有餘倘言利之臣

倡說加增仰祈

聖明乾斷斥浮言實天下蒼生之福至於用人邪正公私心跡各判

幾微之際最易混淆惟在

皇上慎之又慎審擇君子小人而進退之嗚呼公之忠誠謀國無愧於

古大臣之誼而

上之稽謀老成能聽用盡言可謂

君臣相遇千載一時宜夫殊恩異數於公存歿之餘有加無已公學湛

深經術尤邃於禮酌古今之宜期可躬行家居時嘗刻三禮及前儒議

禮書爲家儀三卷撫浙時請國舍示儉儉示禮又益以士相見鄉飲酒

禮爲儀禮節畧共三十卷以爲浙人程式又增定禮記纂言周禮註解

訂正大戴記呂氏四禮翼溫公家範顏氏家訓又著有太易春秋詳解

歷代名臣名儒循吏等傳若干卷駟車雜錄廣惠編竝行於世素有人

倫鑑所舉士多游至大僚以功名顯於善類護持尤切爲左都御史時

世宗論六科皆屬於都察院科臣有抗爭者詞及公公力請乃得寬減又嘗疏請凡文官四品以下皆得移封嫡母生母繼母皆得並封以風孝慈公生某年月日享年七十有二原配陳氏累贈一品夫人繼配毛氏謝氏俱贈淑人先公卒陳氏封恭人子男三人曰必堦以廕官通政使司右通政娶張氏卒贈淑人曰必堦丙辰進士改庶吉士娶吳氏俱謝淑人出口必堦壬子舉人世襲騎都尉元娶李氏繼娶李氏陳恭人出了女五人一字建昌縣舉人李家駒家駒未婚天以節自誓餘俱適士族孫男五人孫女二人銘曰

聖祖

世宗公在綸閣金鐘大鏞

皇帝嗣服稽謀著碩曰予舊學醇修清德公之昌言殷命虞謨炯炯金鑑

皇帝曰俞公事

三朝爲世毗依民有父母國有著龜生也褒崇薨也贈諡凡百君子敬

爾有位

予告光祿大夫太子太傅文華殿大學士兼戶部尚書田文端公從典

墓表 李紱

陽城古濩澤也濩澤水出嶢山田氏之始祖諱某者由高平縣徙居焉至公而大顯人因卽所居稱公嶢山先生公諱從典字克五世有名德大王父諱永嘉妣王氏以苦節著王父諱三驅省祭官考諱雨時庠生遂於易以理學自任明季流寇之亂邑人欲迎賊紓禍力斥之一城人無污賊者旣賊至挈幼子及兄遺孤避地度不能兼顧棄其子負兄子以走賊退求子於草間得之設教天井關學者立碑頌德歿祀鄉賢祠自公以上三世並以公貴贈尚書妣皆贈一品夫人初公生母白夫人將育公公考贈尚書公卜得丙戌日吉禱于神果以是日誕五歲能誦四子書九歲失母盡哀十歲成文章甫逾冠與故浙江巡撫張公泰交同補弟子員張亦有文名時稱爲田張甲子鄉試舉第二人戊辰成進士是科多名下士長洲何焯號知文推公尤第一云公學本於誠深經術尊信宋儒事親備色養居喪三年不入內附身附棺悉遵朱子家禮不作佛事尚書公有木枕泣銘以詩攜持行萬里終身不少離服闋又

四三年始仕得英德令以廉惠誓於神英德地瘠延袤四五百里賦籍不可稽姦民詭寄逃逋儒者困陋例兩加至八九錢名曰均平公盡革之清其籍民困大蘇賦亦無逋者修眉山書院以訓士祠祀宋三賢唐介鄭俠洪皓樹之風聲士氣以振英德士鮮得解者近百年至是比歲舉於鄉凡八九人政成行取赴京師縣民叛戀追送有踰嶺者翰林梁君佩蘭記其事明年授雲南道監察御史首疏調繁之弊請嚴督撫濫調之罰以清吏治比掌陝西道又疏陳行取宜有定期額定名數考選不當令堂上官保舉俾言官受私恩並得請著為令巡視西城罷鋪墊費查通倉僦神祠以居廟祝不受直不入也抑豪強清宿弊毛髮不假借聲日益起

聖祖皇帝知公可大用超擢通政司參議歷遷左右通政光祿寺卿寺故有招買行戶作姦侵蝕虧經費公治其黠者仍請限年帶銷所虧聖祖鑒其誠為豁免鉅萬踰月特授都察院左副都御史明年陞兵部右侍郎並令兼理光祿前後凡八年不為操切而勾稽甚晰時方議武職罷任當回籍公謂年近者可勒歸若久居其所長子孫有墳墓婚姻宜聽入籍獨持一議卒如所議行在部七年邦政修舉歲已亥勘事江

南擢左都御史掌都察院事明年轉戶部尚書繼武進趙恭毅公後濟以和平辛丑主會試得人為盛

今上御極倚毗尤重癸卯五月主武會試八月

賜御製七言律詩又御書清謹公方四大字以賜尋轉吏部尚書明年主京兆試序試錄曰諸生非孔孟之言不肯習非程朱之說不敢從發為文章應有司之程式粹然皆正誼明道之論信能不負所言則忠孝大節皆在於斯益公修辭立誠以所自待者論諸生故親切如此六月入閣協理大學士事又明年四月寔授文華殿大學士兼吏部尚書期年管首揆公退讀書而已訐謔謹密雖子弟莫能知

優旨褒嘉賜資無虛月雍正四年丙午歲以疾請老

天語慰留又二年戊申疾復作再以請

上鑒其誠始予告增秩賜金錢贈隆洽為古今所希覲行一舍疾大作

至良鄉薨於驛館四月十六日也距生年得壽七十有八遺疏至上

軫悼無已卹禮益隆蓋公學有本原躬行寔踐故能以至誠結

主知遭逢聖明哀榮大備匪獨公之光益
國家之盛事凡為臣子旁觀鼓舞感而泣下者也公始娶蓋氏贈一品

夫人繼娶於潘封一品夫人側室郭氏待封宜人子三人愿早卒恪三品廕生亦先卒懋一品廕生女一人適庠生王執藝公薨之歲十一月晦日與蓋夫人合葬縣北山頭原先期懋來請銘敬次公大節爲序而恭紀

聖主恩禮異數以四言表諸神道焉詞曰

粵昔唐虞君明臣良逮世季晚隆污匪常亦有哲輔典禮莫終其或隆禮被於凡庸惟公魁碩自天篤生昌期之會

聖

聖相承成有一德榮集厥躬海厯臺省論道經邦既衰彌邵維德之充將歸益華維國之光太子太師晉秩何崇賜金五千清德克膺邸居陪饒爾公爾卿置驛皇華爾車爾兵沙堤迢迢所司郊迎大吏以時存問寢興

奎章夜明介福元衡既達遺疏卹典益增奠醑之使近臣上公經紀厥喪以命司空維文與端嘉諡易名豐碑哉哉

賜坐皇皇史冊所書異數希逢以明

國恩以教臣忠爲百辟師是似是宗濩澤之源嶠嶠之峯嗚呼

碑傳二十二

十三

君恩高深無窮

光祿大夫太保兼太子太保保和殿大學士致仕諡文和桐城張公廷

玉墓誌銘

汪由敦

乾隆二十年歲次乙亥三月十二日致仕大學士桐城張公以疾考終里第疏聞

皇上欽承

世宗憲皇帝遺詔以公配享

太廟賜卹典如制予諡文和公子編修若澄赴闕謝

恩將歸舉葬事以所撰行狀來請銘由敦爲公甲辰主會試所取士受

公知最深誼不敢辭而公恩事

三朝本末具著將載在

國史亦非門下士所得私也謹舉其大者誌之公諱廷玉字衡臣號研

齋爲太傅文端公英子先世具詳遂甯相國所撰文端公墓誌文端公

配姚夫人舉男子六公其仲也公少有器識凝重安和濡染家學具經

世實用年二十九成康熙庚辰科進士選庶吉士授檢討入直

內廷受知

聖祖仁皇帝游加遷擢戊子丁文端公憂服闋由洗馬累擢爲刑部侍郎尋轉吏部侍郎當是時公以名相子迥翔御貳文學經濟已歸然負台輔望矣甲寅十一月世宗憲皇帝御極初卽命公協同翰林院掌院學士供

儿筵祭告文字

初政殷繁諭旨日數十下公承命應奉精敏詳贍悉當

聖意自是嚮用益篤十二月擢禮部尚書雍正元年癸卯正月奉命爲諸皇子師四月加太子太保八月兼管翰林院掌院學士充經筵日講官起居注九月轉戶部尚書甲辰七月署大學士事丙午二月授文淵閣大學士兼管戶部十月進文華殿大學士戊申三月進保和殿大學士兼管吏部十月加少保癸丑九月以文端公崇祀京師賢良祠復卽家

賜祭一壇公請假歸行祀禮甲寅正月還朝時公子若靄成進士特授編修而公弟少宗伯廷璐督江蘇學政皆給假襄事一門之內朝紳命服輝映閭里天下榮之前後十餘年

碑傳二十二

賞賜至不可勝紀又

賜第及園墅

命紫禁城騎馬皆朝列所希有者乙卯八月

龍馭上賓

遺命與莊親王果親王大學士鄂公總理事務且詔他日以公配享

太廟本朝未有漢文臣與配享者非常之典公獨當之

今皇帝御極倚任有加

賜爵三等子乾隆元年丙辰正月奉

命爲皇子師二月

上親謁

景陵公與王大臣留京總理事務自是每

巡幸留公總理以爲常丁巳十一月進爵三等伯己未五月加太保九

月九日公七十生辰

上於木蘭行在賜詩爲壽復遣內臣齎酒筵以賜癸亥十一月

命乘肩輿入紫禁城中甲子十月重葺翰林院落成

車駕臨幸賦詩宴賚謂公與鄂公曰二卿真不愧古之房杜戊辰正月

公以老力請致政

温旨慰留已巳正月

特命公四五日一入內廷備

顧問如宋文彦博故事十一月得

旨予告御製詩三章

命內廷諸臣和韻以寵其行公至是登

朝垂五十年長詞林者二十七年主揆席者二十四年凡軍國大事奉

旨商度恪勤匪懈造膝對揚率移晷漏其所籌畫非可以一事名非可

以形迹數君子觀於雍正以來數十年之間吏治肅清人民熙皞沐

三聖涵濡之澤而公從容坐論享人世遭逢之極盛養和平厚福晚節

賴

聖主保全以有終始侑饗大烝於戲盛矣則公之慎密周詳所以仰承

聖明者於此亦略可想見也已公典領機要

朝廷大制作多出公手修

三朝實錄玉牒會典明史諸書皆爲總裁先後典試事自康熙丙戌迄

乾隆丁巳與分校者三主順天鄉試者一主會試者三

廷試朝考皆公首爲閱擇一以公慎將之其佐司寇時山東鹽販糾眾

爲不軌青州奸民倡邪教徒黨甚眾有司捕繫百五十餘人株連未已

公奉

命往勘戮七人遣三十五人而讞定天下服公平允爲吏部絕苞苴杜

請託銓政肅然浙江江西界連閩廣流民入深山種麻苦茅以居號棚

民千百爲羣不隸州縣爲良民害公請編戶籍行保甲消慝弭患至今

帖然又令甲婦人三十歲以內守節至五十歲者得旌公建議以未五

十而卒者乃享年不永非守志不終請以守節至十五年者一體旌表

皆著爲令翰林爲儲才地務培養有所薦舉必深知其人之才品而後

上聞卽擢用終不以語人其諸所陳奏雖家人子弟不得以問請非宣

示人終莫得而知也方公之致仕也

上特賜詩爲券翊日公當入謝適大風畏寒特

恩眷有素令仲子若澄齋摺奏謝未親詣

宮門廷議以公大不敬賴

皇上始終禮遇得以大學士致仕及公薨而仍得與侑享之典仰見

聖主優老成全

國體有出於臣子所萬不敢冀者公事親孝居文端公姚太夫人喪哀毀盡禮兄弟同官於朝以時讜集白首相對老而彌篤子姓戚鄰列仕籍者甚繁無不約之以禮法生平無聲色玩好之嗜退食泊然無所營時手一編晏坐室中寂如無人僚友共事者閱數十輩平心接之多所容納人不見其有疾言遽色桐城東門爲七省孔道大溪當其衝橋數毀公爲建石橋濟渡者里人名之曰良弼橋又設義倉以貸貧乏歲歉則又自出穀助賑以爲常所刻詩有傳經堂集焚餘集澄懷園詩選載賡集其文集疏稿若干卷藏於家公生康熙壬子九月九日薨於乾隆乙亥三月二十日年八十有四配姚氏誥封一品夫人子四長若靄雍正癸丑進士歷官內閣學士兼禮部侍郎先公歿若澄乾隆乙丑進士官翰林院編修若淑廕員外郎若淳官刑部主事女三人孫十人曾效曾詒曾綬曾誼曾諤曾諧曾誠曾讓曾訓曾訂曾孫一人元弼某年月

諭葬於龍眠山之瑩銘曰

國家全盛篤生者考光岳氣合如星有斗有偉文端遺緒熾後繁公濟美爲章爲平氣温以厚德粹而清爰寄心膂爰任股肱歷事

傳傳二十二

其

三朝久履揆席長養中和天壽平格出雲作雨不見其迹

聖主主之公密贊之度則謀之協則斷之夙夜匪懈綸綍渙之二十四載元化鴻龐燕國文章風度曲江其可見者燦於家邦翼翼

寢廟惟公侑思

皇釋

明綸眷爾舊思考行易名垂宇宙思龍眠

賜阡如堂如斧載續世緒克繼厥武勒銘貞珉用諗終古

武英殿大學士太傅文端公鄂爾泰行略袁枚

昔蘇軾不及見范文正公爲終身憾枚猶得見鄂文端公公方頤廣顙

鬚髯若神色温而語莊面兼春秋二氣自命過高常卑視古人氣出其

上然于近今人才一善一技不肯忘以爲坐政事堂批敕尾非宰相事

也宰相事在進賢退不肖而已賢不肖不可卒知則姑就其文章之表

著者考之故每一鄉會試必採訪如飢渴胸中有某某皆非素相知及

温卷者己未禮闈撤公立

宮門向閣學蔣公曰爾泰今年愧死闈後聞人文所卜悉不讐惟袁枚

一人驗耳聞出君門下非君誰光我顏者蔣公故年家子聞甚喜而此

科大總裁趙相國等相顧愕然校聞雖感公竟不知公從何處見杖文也。以公位尊亦不敢一謁謝。壬戌試翰林翻譯杖最下等公所定也。啟黏名大恨召杖往賜飯與深語且曰觀汝狀貌

天子必用汝汝為外吏必職辦或憂汝能文不任吏事非知汝者嗚呼公之知杖如是杖既早退不獲有所建白以彰公知人之明意欲報公以文章而公之行事又無從搜輯屢呼負負今年秋公長子容安來督兩江將趨庭時所腹存手集者命杖具筆牘受辭乃得粗舉梗概以備國史之遺謹按公諱爾泰字毅菴滿洲鑲藍旗人西林者其舊居部落也高祖屯太率汪領七村人投

太祖高皇帝曾祖圖捫襲佐領從征張理陣亡父拜官國子監祭酒公以舉人侍衛從

聖祖獵和詩稱

旨授內務府郎中郡王某至暴抗也屬公事不應召公將杖之公袖匕首見曰士可殺義不辱王敬其強直謝之雍正元年典雲南鄉試還授江蘇布政使康熙末年縉紳橫甚抗稅旅距小民用能吏趙向奎等一大創之設春風亭招致文士大將軍年羹堯勢方張遣奴至蘇撫軍

碑傳二十二

十七

麥中門迎奴奴來見公公高坐召入問爾主安否奴見公甚莊嚴不得已屈膝出年亦無如何巡撫雲南先是雲南貴州廣西三省苗屢屢反公奏欲百年無事非改土歸流不可欲改土為流非大用兵不可宜悉令獻土納貢違者勦疏上盈廷失色

世宗大悅曰卿朕奇臣也此天以卿賜朕也命公進呈生年月日與怡賢親王赴養心殿手鑄三省總督印付公公知人善任賞罰明肅一時麾下文武張廣泗張允隨元展成哈元生韓勳董芳等各以平苗立功致身通顯然土官自漢唐世襲二千餘年雄富敵國一旦入版圖受官吏約束心終不甘諸漢姦又陰嗾之改歸後反者歲數起蜀之烏蒙窩泥滇黔之泗城長寨車擺夷粵之西隆州相繼驛驛沉苗縛知府劉宏度于柱裸淫其女而頭曳之然後剖心祭旗公慙怒次骨奏請革職討賊贖罪

世宗以為多一次變動加一次平定

優詔不許公感

上恩益奮督軍鏖戰所獲苗皆剝腸截頭分掛崖樹幾滿見者胆裂繳上苗寨弓刀鎗礮軍器無萬數丙午用兵至庚戌功成乃造橋雲貴交

界處號庚戌橋開通黔滇路八百餘里先是孟養苗與老撾國相連明正德間作亂兵部尙書王驥率兵十二萬平之立石金沙江羣夷驚從古未有然歸後又叛至公而安營設汛如內地矣常親巡三省窮邊六千餘里沿路諸頭目金環花衣焚香俯伏怒子莽子南詔諸國遣使上表獻倭錢寶布金盤銅蟒等物皆離中原萬里者也新開古州丹江禾長八尺穗雙歧豆如栗子大

世宗批劄云朕實感謝矣不知如何待卿而後心安封襄勤伯授武英

殿大學士入都會準噶爾未平

命公爲西路經畧賜金甲上方劍出巡阿爾蘇歸奏西夷未可卒滅擾

敝中華無益果親王從西藏歸與公言同

世宗竟罷兵與天下休息公受

世宗非常之知入朝盡三鼓方出語秘外莫能知每具一疏雖請安慶

賀極尋常劄子

上必嘉獎忠誠頒示天下常云朕有時自信不如信鄂爾泰之專事無

小大必命鄂爾泰平章以聞以故公所到處巡撫以下走千里拜謁虔

若天人公亦以身殉

碑傳二十二

國知無不爲一切嫌疑形迹無所避門庭洞開賓客車馬麻集漏盡乃

已督三省時疏一切水道滇之昆明海口黔之磁硎八達粵之楊林諸

河俱宣流貫行商貨廣至貴州布政司申大成請軍田加稅將軍鄂彌

達請丈欺隱田部議允行公惡其言利皆奏阻之尤護持善類前滇督

高其倬楊名時俱獲罪楊待鞫而高修城公每見此二人談移日從者

放儀仗射睡或四散新撫朱綱欲入楊罪呼三木以待軍民洵欲爲

變公力護持乃免楊夜夢羣蜂攢噬一神人以袖揮之散及見公如夢

中貌貴州巡撫何世璠以名儒爲糧道某所劾公昭雪之經畧歸

世宗命戶部尙書海望爲治第凡什物於禁盤區械箭之屬必具已報

齊矣

命昇堂上几視之以爲窳敗大怒召海切責海叩頭請易乃已及公入

朝奏事畢

諭曰卿勿還舊居可赴新居手書公忠弼亮四字賜之侍衛十人捧而

隨公公入

宸翰亦入聞第中無園圃

命以藩邸小紅橋園賜公而中分其半爲軍機房公弟爾奇提督九門

兼兵部尚書公力爭不可

世宗笑曰卿慮而弟反耶公曰兵權歸一不可啟後也以漸過爾奇書齋甫掀簾不入而還爾奇急詣兄問故公庭立責之曰汝記我兄弟無屋居祠堂時耶今甫得志而侈陳若此吾知禍不旋踵矣爾奇跪泣請改乃已嗣後伺公往先藏器飾乃敢見然卒爲李衛劾奏以侈敗方服公先見也公性方嚴面折廷爭老而彌甚然待下亦能受直言雲南可道賀慶雲見大理令劉某獨曰某眼眯實不見慶雲公嘿然心嘉其直薦之枚初見公便問張奐稱羌夷一氣所生公報虐以威虔劉太重公笑曰五十年後自有定論也

世宗晚年召公宿禁中逾月不出人皆不測

上意公亦自危八月二十三日夜

世宗升遐召受顧命者惟公一人公慟哭捧

遺詔從圓明園入禁城深夜無馬騎煤騾而奔擁

今上登極宿禁中七晝夜始出人驚公左袴紅濕就視之髀血涔涔下

方知倉卒時爲驟傷虹潰未已公竟不知也乾隆元年每行一政下一

詔海內喁喁拜泣歌舞以爲堯舜復出有歸美于公者公悚然曰

神傳二十二

九

天生聖人社稷之福也老臣何力之有焉年六十九薨

天子親奠配享

太廟諡文端有奏疏詩集各若干卷子某某

又鄂文端公逸事

袁枚

張廣泗之征丹江也來辭公牘記軍事數條將請公處分公餽諸燕寢竟日管絃鏗鏘口不及軍事張不得已請問何爲曰軍事公正色曰吾以汝爲能辦賊者故用汝不料汝非將才也用兵之道變化無方故曰閩外將軍主之其隨時制勝豈我與汝今日所能預定耶惟兵少或餽不足者當問總督而我部署久定故權而飲汝汝尙何言諸將聞之皆心折駭伏初廣泗知思州府說公取古州八萬云其地廣千餘里在黔粵之交分兩省觀則在外合兩省觀則在內廣泗乞到黎平探知形勢可以奏功公卽調廣泗知黎平黎平諸葛營者古州形勝處也後倚大山西接懷遠中有五丈臺登之見大小丹江苗俗傳孔明發後無人登登輒頭痛廣泗到卽輕騎登臺苗望見廣泗指揮臺上驚將圖已卽聚眾張礮下坡處廣泗心動不肯下宿于臺次日五鼓大霧從山背銜枚下苗驚以爲神歸盡得其出入要領啟公招降都溶兩江苗而征

丹江九股苗

世宗慮廣泗新進好事命內臣牧可登春山至軍營參謀至丹江已平

世宗大悅授廣泗貴州巡撫

召公入都公薦廣泗爲巴里坤副大將軍征阿拉蒲坦先是大兵屯巴里坤山北人馬多凍死廣泗往請于大將軍查郎阿曰賊不畏凍以能移家故也賊能往我亦能往盍學賊移家法覓向陽有水草處立營查不信廣泗率所領兵如寇法其年兵無死者馬臄肥如初敗賊于木壘城殺無算生禽六百人

世宗大悅命總督湖廣會古州苗反煽連楚粵諸犖陷思州清平

策

世宗切責公命刑部尙書張照都統德希壽督師貴州照等奏改流非

世宗愈怒廣泗奏善後失宜皆臣之罪願革職効力軍前會今上登極加廣泗七省經略銜督兵貴州羣苗呼日上諸葛營老子又來矣慎勿與戰望旗幟輒走廣泗奏張照等所以無功者分守兵戰兵爲二故也黔兵本少而又分之何以辦賊請調全省兵齊集鎮遠以通雲貴往來之路

碑傳二十二

子

上許之廣泗率三萬兵張強弩追苗至凱里香山有牛皮箐當四山之凹深數百丈闊三里苗避弩爭走箐下廣泗據山築長圍四面環之苗無所得食相枕藉餓死者四十餘萬人三省猺獞爲之一空嗣後古州雞尾擺處俱改衛設屯而羣苗亦不復反矣哈元生者河間人也高鼻長髯以守備從公征苗每戰輒陷陣擢安籠鎮總兵烏蒙之役賊數萬營官防海子張旗鼓噪元生率兵四千討之賊有名黑寡者號萬人敵每大呼鷹爲退飛戰日持長槍直犯元生元生以左手格槍右手拔箭射之槍應手斷而黑寡已受箭落馬一目出矣元生斬首揭竿上羣賊奪氣退走追至得勝坡別寨苗起應之聚眾鳳凰山元生知眾寡不敵乃密令參將康世顯等夜率土兵暗繞賊營分左右隊伏山下約曰聽號礮起次日黎明元生率兵挑賊賊盡出官兵不動待賊將近忽礮發聲元生舞雙刀衝隄山後奇兵突至賊敗走追之盡俘其眾元生手擲一賊于空中高數丈以刀揮之作數段墜羣賊大駭以爲神勇嗣後望見安籠鎮旗纛卽逃無敢格鬪者

世宗召見賜宴以元生回部人不漢食命光祿寺別具特羊之餐二人者至公家皆供掃除之役若隸子弟然

又西林鄂文端公逸事雷鈞

鄂公爾泰號毅菴滿州鑲藍旗人西林覺羅氏由舉人歷官大學士乾隆十年以疾薨於位遺命不作行狀碑銘事績當載

國史公性耿直好獎厲名節惡偷合取容以媚世者其總督雲貴時雲撫江陰楊文定公方獲譴朱綱繼之多方羅織以實其罪將欲用刑訊當是時兵民汹汹爲楊公幾欲擊朱綱公而定公從容語朱綱曰過湯陰岳忠武廟見鐵人乎公嘗言楊公如古器不可瓦缶用

今上卽位首召楊公楊公抵京奏公處置苗疆非善後策楊公捐館公經紀其後事哭之哀

世宗時合河孫公嘉淦被誣有婪贓據以入告者親王也公曰孫某性或偏執若操守臣敢以百口保之卽

命公弟訊問事白抵誣者罪弟諱爾奇與孫文定公同以少司空兼祭酒者也余爲國子學正公知余名欲一見余不敢往余以庶常入直

上書房高安朱文端公語余鄂西林望君一見余仍不敢往公至上書房乃就揖公甚喜高安公病余往視問廷臣可任大事者高安良久曰西林一日公在直廬招余與任君啟運其語公詢吳草廬從祀議

任君述余夙言甯屈草廬以伸大義公首肯甲子冬余再奉召京公已病余往視之至榻前坐語久加獎勸泛問人才余舉所知對公曰是常往來於吾心者也又曰他日容安可與子共事容安公長子號虛亭與余同年進士且同直

上書房骨氣甚肖公每欲余指其闕余曰聲色貨利無一沾染果決有擔當可爲君信余每見公如春風風入君尙未至此耳方望其繼公志事爲柱石臣不謂竟于準噶爾以見危授命終也故因憶公而并識之

記所聞相國福敏公語雷鈞

公本訥殷富蔡氏滿州鑲白旗人康熙丁丑進士榜名傳敏後改傳爲福故天下稱福公

世宗憲皇帝藩邸時深知之召授諸皇子書故公侍

今上自冲年始乾隆二年以大學士謝病仍在

上書房行走公直

內廷講習與蔡文勤公共事者十年以直道相劘切間有異同久而益

平文勤公物公歎曰蔡聞之君子人也公平生尤服膺高安朱公曰此

平文勤公物公歎曰蔡聞之君子人也公平生尤服膺高安朱公曰此

我心之師也公嚴氣正性凜不可犯習與之處開心吐懷廓然無城府
後進有言論相左者始未嘗不變色事後保任旋及之鉉在都丁外艱
公以賻來曰非不義之物勿卻也鉉服闋在籍二載公曰來何遲豈必
俟
君命召乎曰母老且病公曰然則爲太夫人也今立朝仍當思爲太夫
人也公旣辭政府向鉉曰此位豈易稱我浮沈其間君心不我噫耶又
謂自翰林至今數十年遊心典籍泛濫無歸所自信者骨性鯁直不能
脂韋隨人至老猶存故我耳晚年讀安溪周易觀象曰少年心氣粗浮
不知安溪之學假如安溪今尚在縱不納我拜亦當稽首門外耳公於
諸史皆有筆記治亂之根原君子小人之盛衰消長慨乎其言之曰我
身後必以此歸君今不知存否他日當問公之後人

碑傳二十二



碑傳集卷二十三目錄

雍正朝部院大臣上

資政大夫都察院左都御史贈太子少傅禮部尚書沈端恪公近思墓

誌銘彭服豐

又都察院左都御史端恪沈公神道碑 梳世駿

附錄十一則

禮部侍郎魏公方泰墓誌銘 方苞

又附吏部侍郎魏公定國神道碑 袁枚

少司寇王公承烈墓誌銘 朱軾

又刑部右侍郎王公神道碑 蔡世遠

禮部侍郎蔡公世遠墓誌銘 方苞

又蔡文勤公傳 賀代伯

又附蔡文勤公祠碑 沈廷芳

資政大夫禮部左侍郎特授尚書致仕郝公林墓誌銘 曹一士

工部右侍郎喬公世臣神道碑銘 梳世駿

吏部右侍郎加都察院左都御史瑯琊王公沛愐墓表 李敏

又左都御史王公傳 曹一士

又王沛愐傳 諸誠縣志

雍正朝部院大臣上

資政大夫都察院左都御史贈太子少傅禮部尚書沈端恪公近思墓

誌銘 彭啟豐

性情正而後學術明學術明而後事業著處為醇儒出為名臣無異道也朱子以來五百餘年聞而知之克符名世之實者在本朝則唯陽湯文正當湖陸清獻繼此者其吾師端恪公乎公諱近思字位山號聞齋世為仁和五杭村人家本力農世孝友醇謹鄉黨稱之公生九歲而孤家貧隨仲兒遊學靈隱有借巢老人者資之讀儒書負笈虞山錢燦嚴虞惇之門既歸家補諸生讀宋儒書刻苦勵志書程子涵養須用敬進學在致知二語於座隅嘗自言其得力曰吾山周程張朱之書上游孔顏曾孟之心怡然煥然若合符契不自知其手舞足蹈也康熙三十八年舉於鄉明年成進士亟返里門理故業選期已過顧以學未成不出也頃之仕為河南臨潁令單車就官謝請託卻餽遺謹號令禁科派四十八年大水請發粟以賑全活無算明年大熟建社倉七所設義冢收埋枯骨捐俸葺頴城築孔家口於鄴州頴民自是鮮水患建岳忠武于忠肅祠修宋統制楊再興墓葺頴七年膺卓薦以去士民攀車灑泣不得行擢廣西南甯府同知引疾歸教授生徒布衣蔬食泊如也今相國高安朱公撫浙時疏薦公

碑傳二十三

聖祖召入京監督本裕倉會臺灣用兵總督滿公請諸朝乃

命公往公作遠慮論四篇大指以臺灣宜析為縣每縣各分都圖保甲易於稽查又取民壯拔置行伍以充各標其餘流民必審其籍以授田當時採用之海疆底定雍正元年

召授吏部文選司郎中時銓法久敝胥吏多假手為姦公夙夜勤慎有姦輒發吏不敢欺旋晉太僕寺卿明年典山東鄉試超授吏部右侍郎每奏對之日齋戒越宿志氣恪恭於育才用人尤兢兢焉雍正五年特擢都御史公自縣令起家洞悉閭閻疾苦凡事關創革必熟籌其利弊於民生有所裨益而後已當廷議耗羨歸公時力爭以為不可眾皆驚愕弗為動

聖主鑒其誠不之罪也雍正五年十二月十三日無疾而終上聞震悼賜帑金遺平郡王散秩大臣奠爵官為治喪予祭葬如禮諡

端恪加贈禮部尚書太子少傅廕一子公立心坦易純於踐履非道義一介不取窮達夷險不以二其心爲文樸實說理類南宋大家所編夙興錄誦法椽書先生出而臨民動以嘉定靈壽之政爲師晚年蒐輯當湖遺書爲十四卷其他所著書又數十卷高安相國雅重公哭其喪爲表墓曰理學名臣蓋深知公者也公生康熙十年正月十四日距卒之年年五十有七曾祖諱學顏祖諱時吉父諱大震皆以公貴贈資政大夫妻項氏繼妻徐氏皆贈夫人又繼宋氏吳氏子三長玉麟監生早卒次遷戶部主事三玉璉廕生女一適舉人趙溶雍正六年葬公於湖州歸安縣球溪之陽啟豐鄉會試兩出公門下服公之教既久哲人云亡不勝哀慟謹按公年譜誌之墓而爲銘曰

斯文未墜天挺喆賢斗杓所建四氣回旋有紛其學異說晦蒙闢邪衛

正公探厥宗有隳厥守軌駸畏愆公謹厥趨道直砥矢起自循吏擢之

卿貳篤斐靖共臣道具備爲孔顏樂爲禹稷憂清和與任惟聖兼修

天子曰咨夫我良弼制詞褒榮典禮優恤岷山巍巍若水洋洋有斐君子淑世弗忘

又都察院左都御史瑞恪沈公神道碑 杭世駿

雍正五年冬都御史錢唐沈公以疾薨於位

上聞震悼身後之典有加

命王大臣致奠賜帑金赦吏部官爲經紀喪事加贈禮部尚書太子少

傅賜諡端恪給祭葬如例

御製碑文榮哀兼至其仲子遷奉公喪歸卜葬於歸安縣球溪之新阡

徧乞墓銘誌傳於鉅人長者以光顯先人之行業駿於公爲鄉里後進

少嘗以文字見知於公知之行誼最悉非其文足以致公不朽公有

其不朽者文或藉以傳焉謹按事狀公諱近思字闇齋號位山又號俟

軒世爲仁之和之五杭村人曾祖學顏祖時吉父大震皆以公貴贈資政

大夫吏部右侍郎妣皆贈夫人曾祖母尤矢節撫孤孫避兵旤艱瘁彌

厲以故贈君終身無笑容公少而夙成年七歲請於父曰仁爲何物贈

君大奇之九歲喪父哀毀若成人少長從虞山錢燦嚴虞惇學補錢唐

學官弟子公之以錢唐著望自此也假學舍授諸生經厲志求聖賢之

學曰人欲窮理必自六經孔孟始讀六經孔孟自集註始欲修行自敦

倫始敦倫自力行小學始坐右書伊川涵養須用敬進學在致知語自

警康熙己卯領鄉薦明年成進士時座主孝感相國將致政歸 儀吉崇

師感書云茲來京候選道當老
師致政留都非成進士時也
有未當者其略云孔子之道至朱子而大明朱子爲繼述孔子之大宗
同乎朱子者即同乎孔子也異乎朱子者即異乎孔子也及明嘉靖以
後與朱子歧途異軌者亦並從祀其時因功業之高聲名之盛又以門
人徧滿附和者多遂至謬誤相沿習焉不察使于聖相傳心法如精一
之旨博約之訓知行之序誠敬之功若有不由其途而可入聖者此大
惑也因極論當湖陸稼書侍御學術純正宜膺祀典孝感深攄其言後
侍御竟列從祀其論自公發之家故貧惟一值執役謁選授河南臨潁
令不改素操單車蒞職修倉建社豐凶有備役夫築孔家口堤潁人至
今無水患立岳忠武于忠肅雙忠祠修宋統制楊再興墓自爲碑記以
率勵廉恥敦厚風俗爲本務膺循卓薦去穎之日士吏攀車灑泣道不
得行擢廣西南甯府同知執法不避權貴豪吏斂手未幾以病乞歸集
生徒教授如初豫章敷文兩書院來聘主講皆辭不就相國高安公撫
浙時以賢能薦監督清河本裕倉嚴立規條搜剔奸蠹積弊一清未兩
月浙閩督臣來請以公攝臺灣府事
聖祖仁皇帝可其奏卽命公往時臺灣逆亂初平方資撫輯因作遠慮

神傳二十三

三

四論略云臺灣爲沿海諸省保障鹿耳天險澎湖孤懸非若內地之可
以箚指使也以二千里之幅員止設三縣聚一二百萬無家室妻子剝
悍狼戾之徒肆行其輕鈔任俠之習地方之敝由此而起莫若取臺灣
析爲數縣俾各治其地每縣中各分都圖保甲統領約束絲連繩貫易
於稽察一道一鎮彈壓府治駐兵三千游守千把分防各縣又取民壯
之材勇過人者拔置行伍嚴加操練迨兵多之後潛移內地以充各標
其餘流雜之民必審其籍貫稽其家口方許授田土否則悉驅過洋自
可化頑暴爲清良變海島爲禮義矣當時採其議行之

憲皇帝卽位向聞公名

召授吏部文選司郎中時銓法久軌胥吏多假手爲姦公密察輿論盡
得其隱吏不敢欺由是宿弊頓絕旋晉職太僕寺卿明年典山東鄉試
未竣事超授吏部右侍郎山西撫臣方上耗羨歸公之議

上將從其請公力爭殿閣間同列皆爲失色

上嘉其誠剴不之責也方是時公直諫聲震天下丙午主江南試陸辭
之日

御賜詩有操比寒潭潔心同秋月明之句明年春晉都察院左都御史

總裁禮闈得士稱盛公受

聖主知遇至深不五年間自散吏擢至九卿日夜淬厲殫竭思慮凡國家大計知無不言言無不盡前後封事十餘上皆剴切明白不為苟應故事每封疏將入必先期宿戒鍵戶沈思繕寫竟北嚮叩首而後行雖家人莫知所陳何事海內識與不識朝夕喁望希公枋用卓然大有為於天下而天靳其年不得竟其所用是冬遭疾卒於位年五十有七公慎交游寡言笑學以程朱為準的與儀封張清恪公講性命之學清恪公所著學庸講義皆與公往復辨論而後成生平敬李梅崖之道義蔡梁村之理學晚歲篤好稼書文集與閩人雷鉉王道考訂其業夜分不休所著述數十卷曰學易詩讀論語注偶見錄為偶見錄儀吉案本集廟志雜錄真味詩錄天鑒堂詩文集皆理道之言銘曰
元氣塊北坤厚甯曲江迴折濤瀾生曉曉大儒天挺英樹立匪祇一世名蚤從小邑流惠聲力振弊劫扶孱總築堤捍患頽水澄東人泣送西歡迎旄頭夜墮赤嵌城卓然遠慮推用兵坐可危論起即行帝憂銓法俾掌衡從事儘詞莫敢窺逆鱗不憚徑寸搜竝諍侃侃殿

賣

碑傳二十三

四

帝原其釐嘉乃誠南牀獨坐望匪輕圓首躡足跂治平胡不懲遺末疾

嬰廟騎箕尾邀太清茗水鳴咽繞

賜瑩羊馬躑躅樂石貞維公孔思兼周情氣奪暗亞驚聾盲執朱之奧

扶陸精繼宋五子張周程儒術彪炳辭鑄鏗銘詩徵實不可更

附錄十一則

以直道忤其長輒投劾歸朱載天鑒堂集序本集上鹿老夫子曹謂

不相及者若阿私苟容不獨自負生平且負師德故不得已

端恪為選君尚書隆科多密勿重臣最專斷曹郎莫敢仰視端恪獨侃

侃持正議一日畫諾尚書曰可端恪曰不可尚書怒端恪持之益力良

久尚書忽曰沈選君諍友也改而從之且曰僚友當如此矣人告於

世宗遂不次加太僕卿仍領選司自此得大用神道碑後題

時山西巡撫諾敏上耗羨歸公之奏下廷臣議位山言耗羨為額征所

餘本無定數今歸公則與額征無異日久滋弊耗羨之外必復加耗羨

是重困民也爭之甚力

世宗以耗羨無定數故不肖有司取民無制遂著令以加一為率提

解司庫兼采位山言凡民間公事仍許用耗羨不得與正供比其有額

外加收及私派民間者罪之更添外更添正項他日必至耗羨之外更添九卿議耗羨公言今日正項之外更添正項他日必至耗羨之外更添

耗羨他人或不知臣起家縣令故知其必不可行

世宗曰汝為令亦私耗羨乎公曰非私也非是且無以養妻子

世宗曰汝學道乃私妻子乎公曰臣不敢私妻子但不能不養妻子若廢之則人倫絕矣

世宗笑曰朕今日乃為沈近思所難是日眾皆為公懼

上不怒也全祖望題神後公疏請定屬員調補差遣之例以為去不肖宜速而任賢宜久此如稂

莠之生必立時拔去方不滋蔓嘉禾之植必深培長養而後成熟督撫

有以屬員為不肖而調簡者應即行降調有以屬員為賢能而請調繁

者除初選時已奉

旨准調外其餘必須任滿三年果有善政可稱并查實無虧空令督撫

開明事實咨送引

見方准調繁則地方收得入久任之效而絕虛聲躁進之弊矣又督撫

差遣今多以州縣調入省會經年累月不得在任雖如龔黃卓魯不能

碑傳二十三

五

常在地方亦復何益請嗣後一切差遣署理之事俱用同知通判佐貳

等員不得輕調正印若以佐貳為不足差遣則此等官員竟成虛設應

即以不職參革不宜令其竊位素餐如有萬不得已之委署盤查須正

印州縣者亦必地方貼鄰可以朝發夕至兼顧無悞不得隔越百里之

外其有公務調入省城亦必隨即發回除科場大典外不得逾半月之

限以致廢職曠官本集

疏論典史改用正途謂典史職分甚微而與民最親臣考唐宋進士初

第縣尉與拾遺史館侍御史中書舍人知州縣事並除往時賢者多為

此官即周程大儒亦起家主簿近因例由考職吏員出身遂咸以卑賤

目之欣逢我

皇上洪慈大小臣工同仁一視於雍正二年冬舉行計典

特恩澄敘典史雜職俱得與州縣官一體卓異庶人人可以鼓舞而知

所自新矣但查此等官員其應選班只據外省總冊挨次選用現今所

選僅至康熙二十四五等年即使其人盡屬壯歲考職歷四十餘年亦

已年屆古稀豈堪復充捕務其吏員出身又屬久慣衙門易于作弊本

人亦自以出身卑微不肯復修名節甫一到任書役卓快本其同氣舞

奸弄法本其故智害人詐財本其生業人多以其官小而恕之魚肉小民若分所應然卽至嚴加參革彼視其官本同負販會無警懼應請將典史仍古制爲縣尉改州目爲州尉與教職平行補用正途凡有舉人揀選期遠年力精壯情願試仕者許其呈本縣通詳司撫造冊咨部挨次選授照府廳之例與正縣有正佐之分不行屬下之禮三年內遇大計卓異有實在潔已愛民弭盜恤囚治蹟表著者行令該督撫據實薦舉卓異優陞其餘同正途論俸陞轉不與雜職比例如此則佐貳微員亦可望以救弊補偏之事風塵下吏不致安於卑汙苟賤之爲滌除民害一也整飭官方二也疏通人才三也實於地方事務大有裨益同上二年典試山東回京奏臣在東省見百姓耆老言及原任糧道余甸原任布政使佟吉圖二員清廉愛民家感念查余甸等因河工被劾其獲罪情由臣未悉知惟是輿情愛慕解任後迎養輸供起解時又爭出錢物攀留迫切之情出於誠心若非實惠及民何以得此臣既經日擊不敢隱諱謹具摺直陳又奏查東省虧空繁多據撫臣云欠在藩庫者一年以來皆已全補欠在各州縣者尚有三四十萬正在嚴催急補臣愚以爲填補庫項固當上緊然亦須量其力之可爲而不累于民若一

禮傳二十三
六

味嚴急各州縣只顧一邊暗加火耗有傷民力非

聖天子愛養生至意要在大法小廉清心節用漸補而不覺其難既

補而不復再虧斯爲善補之道臣愚以爲宜將虧空之省飭令撫藩通

盤清算共計若干分別四等一爲奉

旨事件公捐之項一爲通省事件公用之項一爲前任所遺代認之項

一爲本官自己侵挪之項造具清冊不得掩飾其爲自己侵挪者固當

著落本人賠還置之重典矣其爲奉

旨事件公用者當遵

旨施恩照例豁免矣其爲通省事件公用及前任所遺代認者此等官

員概無以侵挪治罪似乎太過若留之地方甚爲有害既經虧空必不

肯將已財補用不過取之於耗羨仍是地方之物况肯受虧空之人必

不能有操守而善節省久留於任不特前虧無補必致後虧復生展轉

滋累徒使百姓日受重耗之害臣愚以爲此時凡有虧空之員應卽令

其解任另選賢能之員開明數目將加一耗羨量留上下各官養廉外

酌算每年應補舊虧若干限年補清報部酌量議敘如有於加一之外

再行妄加火耗者卽以貪贖參處同上

公奏江浙塘工云舊時所築老塘之石長皆丈餘厚可五尺不橫鋪而直排之又鑿鐵條以束之故其塘堅久不壞後人修築爲省費計石之長厚減半又用蓋而中填亂石或圻舊爲新一丈可化二丈一遇潮水直射塘底搜空根脚不轉眼而卽壞劉晏有言使有贏餘則官物堅牢今宜照前人修築之法以堅牢久遠爲貴不宜過爲核減同上

者端恪以吏部侍郎獨對

上問之曰汝固嘗爲僧其於宗門必多精詣之言試陳之端恪曰臣少年潦倒時逃於此及幸得通籍方留心經世事以報國家日懼不給不復更念及此亦知

皇上聖明天縱早悟大乘然萬幾爲重臣願

陛下爲堯舜不願

陛下爲釋迦臣卽有記安敢妄言以分睿聽

上改容頷之曰良是臨川李公聞而歎曰君子哉聞齋也

全祖望題碑

後

端恪既爲儒私淑應潛齋先生之學故最醇潛齋在日端恪尙少及自

碑傳二十三

七

靈隱歸得見潛齋之高弟沈君士則凌君嘉印從之求得其遺書乃知正學有在發明宗旨已而於潛齋語間有未安皆反復以求其通論者

以爲應氏功臣同上

本朝眞儒輩出平正切實一以朱子爲宗推平湖陸先生爲最著錢塘沈端恪公則篤信平湖以上宗朱子者也公少習于禪既乃一返諸正沈潛反復乎六經儒先之旨以體驗於躬行踐履之實其令臨頓也修城築堤積穀勸學務爲百年利賴之計與陸先生之宰嘉定靈壽同其立朝也端方耿介表率百僚遇事多所建白與陸先生爲御史之直言讜論同公喜靜默不妄言笑至其辨學術陽儒陰釋之歧途世道人心義利公私忠奸賢佞之分界則如決百川而東注洋洋灑灑而不能自止雷欽文集序

禮部侍郎魏公方泰墓誌銘方苞

公姓魏氏諱方泰字日乾江西廣昌人也康熙甲子舉於鄉爲選首庚辰成進士選庶常韓公慕廬掌院事數爲余道公學行時諸翰林以韓公故多索交於余間與公相見稠人中未嘗以言語顏色相親因是心重公及乙未西事興領軍餉者四人而公與焉眾皆詫公文儒沙場萬

里行宿鮮人煙數攻剽言者皆爲色懼而公怡然及出塞結隊安營號令明肅撫循徒旅人忘其勞反役人畜鮮傷耗什器無遺亡自是以後領運者六事集而人皆便之蓋公自散館後卽召入南書房旋

命侍清親王講誦

聖祖已審知公之爲人故自翰林改官通政司蓋信公可屬以事久矣於是天下士始謂公之底蘊不可窺尋而歎

聖祖之知人善任使也公爲檢討主山東鄉試視學滇南擢侍讀改通政司參議復主試閩中教習壬辰科進士士聞公誨諭多勵學自檢於躬行其在滇南與撫軍劉公應樞善還中朝大農趙公申喬數稱其廉

公

世宗憲皇帝登極擢太常卿遷正詹事乙巳夏以本職攝內閣學士尋遷禮部右侍郎嘗

正告廷臣曰如朱軾張廷王沈近思魏方泰朕保其終無二心人皆意公將繼武於朱公而公以年滿七十力陳衰疾重聽秩宗典禮雖虔恭將事終憂隕越

碑傳二十三

八

温旨許之嗚呼公之不敢賴寵

先帝之篤信忠良又能曲體其情而不強以仕皆可以感人心砥維風教使奕世聞而興起者也公襁褓失母終身哀慕序譜牒建宗祠置祭田恤族屬孤貧延及朋友鄉人式之好讀書造次不釋往還絕漠每至挈轡令舍馬瘡僕吁公部署既定卽端坐吟誦神氣洒然同行者皆心服焉公得告時子定國爲直隸按察使就養於保定其沒也會定國以同官望誤繫獄尋謫黑龍江窀穸猶未營及今皇帝嗣位特召還京起署陝西西安按察使而夫人李氏亦沒矣請歸葬然後之官

詔許之乾隆三年冬以狀來請銘余與定國同年友也謫而歸始相見於旅舍然以道義相許有素矣乃爲譜其世家魏氏蓋了翁後也元初卜居南城之魏坊繼遷於廣昌支分爲三長居甘竹季居甯都次居株橋公其裔孫也累世素豐鼎革初鄉里山賊數起邑中善良避賊保水斗山守將利其有將屠之公之父明之素與相識馳見之給令箭曰保爾家無虞泣曰某居別山非爲吾家來也此砦中皆良善不忍其荼毒耳守將拒以強詞色甚厲乃括家財持千金爲壽曰砦中父老所有盡

此矣必破若勿殺勿淫又以五百金賂其左右於是兵入厓皆安堵及公既貴定國繼之子姓繩繩鄉人皆曰此乃祖乃父積善之慶也曾祖諱沆國學生鄉飲大賓承嗣祖諱復禧父諱菁諸贈通議大夫祖妣孫氏妣何氏生妣陳氏俱贈淑人木生祖諱復禮妣李氏以定國及妻封地贈如其官階公卒於雍正六年四月年七十有二配李氏卒於雍正十一年三月年七十有九諱封淑人以乾隆二年贈夫人庚午公在京師贈公卒於家夫人備禮致哀族姻皆為感動以乾隆元年四月二十六日合葬於南城魏坊子三人長定國康熙丙戌進士次寶國康熙甲午舉人雲南永平縣知縣次安國早殤女四人皆適士族孫七人舉於鄉者三銘曰

美仕榮祿遭遇適然惟賢惟德其兆必先魏宗三支甯都學顯公務質行身依文典望比於鄉勤施於

國眾信其誠士警其德家賢有人忠貞世宣是父是子

帝有明言明之澤近華父光遠於萬子孫先型毋頽

又附吏部侍郎魏公定國神道碑袁枚

枚幼時見里巷坐八九十翁說賢太守必曰魏公或新太守甫涖里魁

過必問得如魏公否枚問公政何若曰公至海不波旱必雨浮糧捐盜

賊窟野無停柩寺無少尼嘗過市有旗旛強勾毀器拆屋拘之不暇曰

固山子也公怒命縛輿後吾將訴于將軍與夫疾馳牽烈日中公肅賓

謁廟故紆其道固山子不能堪叩頭曰願受公責毋訴將軍公曰公子

安可責哉且公子世家知禮義當不爾必家奴教之耳杖其奴四十徇

于市自後八旗肅然撫軍黃叔琳獲罪有蜚語稱其弟叔璣為御史巡

臺灣過杭擾民民罷市

世宗命將軍總督會訊訊曰觀者如堵墻黃公囚服噤齟將軍呼三木

齋之公牽錢塘楊令厯階上抗聲大言曰府縣司地方市罷而府

縣不知請先劾府縣再訊叔璣且

天子惟不信風聞故命大臣窮竟若奏不實而周內之是欺

天子也竊以為不可今孩兒老母萬千在庭下辱將軍玉聲一問則叔

璣與府縣俱無所逃罪將軍目外望諸百姓匍伏呼曰如魏公言黃竟

得釋公所行此其犖犖大者枚聞而識之後十餘年枚知江甯公為安

徽布政使得朝夕見儀吉堂魏江甯縣與皖布政使相熟甚遙而云得朝

矜寵甚盛公時年六十餘朴而和疑不稱其風力者蓋公之爵已尊年

已高養愈粹也今年公薨將葬其次子內閣侍讀允迪來曰子先君竹馬兒童也長又受先君知然則銘先君惟子是屬枚惶恐辭讓懼文不稱德爲鳳鼠羞繼又思銘公可無愧辭而枚文或將藉公增重乃按其狀而書之曰公諱定國字步于號慎齋大父諱善官中書舍人居江西建昌之水斗若鼎革時守將欲屠若素善舍人給契箭一枝曰保而家舍人不可曰願與全若同死將誼而許之活者千餘家子方泰官禮部侍郎生公公舉康熙乙酉科登進士宰應城得民和他郡訟者走應城如鶩大府知之遇民變必檄公往雲夢孝感皆以守令故開城罷市他官徘徊不得入望見應城縣旗幟呼曰魏青天至矣皆解散羅拜事聞擢知冀州

世宗登極遷守杭州再遷河南按察使當是時督臣田文鏡政尚猛上蔡令某怙田勢侮張公首劾之田怒力未有以傷會調直隸與布政使張适拷人致死謫戍黑龍江先是兵部尚書傅鼐謫焉公到之前夕傅夢魏徵來翌日公至傅心敬之而未言亡何同步江上一丈夫來汲熟視公曰公毋姓魏乎曰然丈夫跪叩頭泣曰民冀州人也公刑我公不記耶公曰然則應恨我而何以泣曰民從人爲盜法當死公爲減流雖遣發公意猶若其不欲遣發者然故感公語畢再泣再叩頭傅亦愴然不自禁直前握手曰殺之不怨公孔明耳豈僅魏元成哉乃述前夢大歡笑

神傳二十三

十一

今上元年公與楊名時魏廷珍等同

召見授西安按察使大將軍查郎阿從蘭州歸眾官郊迎日已暮查下馬問誰是魏觀察公趨而前查手燭照示眾官曰此傳閣峯爲我言八年塞外友刑人而人感者容顏尙未老也再陞山東布政使調安徽先是司胥居奇苛駁各屬冊籍公命代造檄發乃相視閩手州縣奏銷輒以尾數被部議公代解而催還之遷安徽巡撫入爲刑部侍郎再轉吏部以老乞休歸七年薨壽七十有八公在浙時浙有南北關南關課贏南司請撫臣入奏公在坐曰不可若以稅贏爲殿最則今年南勝北明年北勝南如物力何汪景祺以大逆誅子女坐流一女許配中表大府以無媒故欲坐之公不可曰中表爲婚何事于媒爲除其名其持大體如此夫人曾氏再娶蕭氏長子涵暉知鎮遠府孫若干以某日葬某

銘曰

一檄禽斬四十賊一歲殺虎七百隻公之吏術廉且傑赴道若渴義若

熱卽之温温如不克異之委順震之決西江之西巖巖石其生也榮爲公禍

少司寇王公承烈墓誌銘

朱載

少司寇王公諱承烈字遜功號復菴世爲陝西西安之涇陽人曾祖徵明天啟壬戌進士歷官山東按察使司僉事落職家居李自成入西安檄召縉紳公拒以疾比聞都城陷痛哭不食死祖永春邑生嘗陷賊中械繫月餘不屈賊知其意堅釋之父瑱以文學知名公天性高邁幼嗜學鄉人社臘報賽同學爭往觀公獨端誦不輟年十九補博士弟子員乙酉以五經領解己丑成進士讀中秘書連丁內外艱哀毀骨立喪葬以禮服闋

命授翰林院檢討

今皇上御極之元年改江南道監察御史巡視都城有豪棍爲巨室僕人姻婭素行凶惡賈人控於公棍知公不可干以私乃竄身巨室公督卒搜執實之法由是不逞之徒皆悚慄畏避輦下肅然嘗召對養心殿講大學明明德章反覆敷陳格致誠正之義上大喜賞賚甚厚明年以諫垣督湖漕政湖漕鋼弊多端每僉丁撥運

軍民譁然不可制公下車數月得其要領逐一指揮不動聲色而諸弊盡除

十一

金盡汰子民黃州府屬被災公率屬捐貲賑粥日親按視曰吾不目覩吾心未安也押運至虎頭磯厲風大作舟幾覆公拜祝曰承烈奉職無狀願身當天譴勿損船沈米致誤天庾須臾風止漕舟得無恙比遷江藩楚中兵民數千人洒淚擁送揮之不去江藩舊有東西通吏作奸犯科官民並受害公蒞任卽革除勒石署前郡邑攢造部籍吏書百計苛駁公令粘簽冊首俾照式改造需索之弊不禁自絕時中丞性苛急公多方調劑凡中丞所爲有未合必力爭得請乃已然終以此拂中丞意戊申春陞都察院左副都御史中丞亦解任來京公與中丞質奏上前中丞語塞

上嘉公嚴褫中丞旋授工部侍郎改刑部侍郎自入臺府輒病瘧時作時止力疾視事未嘗一刻少懈迄己酉夏病大作離數月而卒子思關中理學淵源于橫渠張子先儒謂張子如伊尹西銘言仁發明萬物一體之義伊尹納溝之恥卽此意也所論井田學校農桑禮樂親切可見諸施行又嘗欲以一鄉之地畫爲井制爲天下後世法張子之於治

道其志可謂勤矣而卒不獲抒其所蓄樹聲績于當時為蒼生利賴良可惜也近代若呂涇野馮少墟皆學張子之學者也涇野仕終南禮部侍郎雖立朝侃侃而所言終不獲用少墟以講學為小人所阻致仕飲恨而卒豐於德而嗇於遇千古同慨說者遂謂儒術迂疏多不用於世即用亦未必效今觀於公而知其言之大謬不然也公自為諸生讀書談道精研性命之旨體察於身心之間立意較然以聖人為必可學以唐虞三代之治為必可復先是李二曲講學蓋屋公族兄豐川親受業於其門公嘗自謂平生得力於豐川之教益為多然二曲豐川屢辟不起而公獨毅然以斯世斯民為任比之橫渠張子涇野少墟諸儒其學同其志同而遭際之隆盛則前賢所未有也夫以草茅崛起之寒峻備員史館孤介特立而數年之間敷歷中外功績懋著為世名臣公誠上不負

君下不負所學而

聖主之知人善任豈漢唐以來賢君之所能及哉公嘗語子弟曰我三家村一窮秀才受

恩至此何由仰稱言之涕零自五月乞假養疾

碑傳二十三

皇上屢遣御醫調治輒整衣冠倚牀叩首嗚咽不止重九日自為挽歌四章有蟻螻何意列鵷鸞天地恩深圖報難之句易簣時無一語及私惟以

君恩未報為恨夫以公之公忠誠懇孜孜為國使得享耄耋之年

天子且將大用公公之所以輔佐太平霖雨蒼赤者不更有大焉者哉

公生於康熙五年三月二十日申時卒於雍正七年十二月十四日子

時享年六十有四原配左氏繼李氏俱誥封宜人子一穆癸卯

恩科舉人任內閣中書將以某年月日葬公於先兆孤穆乞子志其墓

子交公廿餘載公弟孝廉錫綬又嘗遊吾門不敢以不文辭於是誌而

為之銘曰

嘗登崆峒之巔探元鶴之穴下矚涇原細涓活活東流百里濁浪潺湲

毓秀鍾靈實產人傑味道沈酣砥行孤潔遭逢

聖主樹立炫赫天不憚耆紉謳悽悲卜佳城於何所蟠石之南莘野而

西千秋華表芳草離離

父刑部右侍郎王公神道碑蔡世遠 雍正七年十二月甲申刑部右侍郎王公卒於位

粘簽冊首示以攢造之法與公治部同事需索之弊自絕南昌新建吉

安九江等郡被水公捐三千餘金賑恤會城多圯捐千金倡修之又清

澗薪公委曲調護勁正不苟大拂中丞意公曰吾一日為藩司一日行

吾心所安肯阿上官以上負益上察其忠以都察院右副都御史召公進見即具劄直陳

上召中丞置對中丞語塞遂落職授工部右侍郎江右數十萬生靈

咸頂祝曰天子聖明公有仁者之勇偉哉公自工部調刑部右侍郎時方苦瘧感

上知遇力疾辦事至秋遂臥牀褥冬十二月卒春秋六十有四公自少

勤學博涉羣書年四十兄事豐川王先生然則儀吉今日得師者請明

心性修己治人之學以第一等人為可學而至豐川先生諱心敬陝西

名儒也及成進士出安溪李文貞公門益研究未儒書身體心驗不在

空言所著曰省錄切己內考力行可畏毛詩解尚書解皆有心得病臥

時猶手自改正公嘗語余曰吾自年四十庶幾無一事不可對人言者

儀吉讀此又悚歷官二十餘年清節惠心虔恭不懈偶有贏餘即用以

惠民濟眾修廢興學不為生計沒之日身幾無以為斂嘗謂其子曰我

以清白二字遺汝足矣初登九列士大夫想望其丰采施為公益奮勵

思上報聖明竟以纏綿瘡病未得展其志每與親知子弟言及未嘗不淚涔涔

下也嗚呼觀公之忠誠終始勿替可謂不負所學者矣原配左氏繼娶

李氏俱贈恭人皆先公卒又娶裴氏封宜人子男一穆癸卯舉人內閣

中書舍人孝謹能世其家學女三長適太學生李思孝次適候選經歷
蕭侯次幼孫女一公之歷官行事相國高安朱公既為之誌以納之幽
余所以銘公者亦將以傳公於後也銘曰
王氏高節世有賢哲陰德之光其祥長發我公繼之孝德作基董帷發
憤擇友親師年既四十淵修益密約己以正居官以律
天子達聰進秩登庸其艱其瘁一其初終臺垣數載寢奸宥罪吏以從
風民以樂豈兩湖之間水運盤環公施大德墮淚峴山江藩嗣
命以煦以泳棘棘不阿強權莫競載道歌虞惟
天子明既毗邦憲若工司刑公曰嗚呼身非我有我疾不瘳

帝恩有負竟不少留遂終於位迹公生平忠誠不二有耀其學有昭其

繼刻石垂休以質來裔

方苞

禮部侍郎蔡公世遠墓誌銘

雍正十年冬十有一月禮部侍郎蔡公病不能興

天子日使人問視

天子賜醫士大夫羣懇必詢公疾增減云何踰年正月朔後八日薨
天子震悼自賢公卿以及雍庠之士重志節者無知與不知皆愴然若
失其所倚余屢困於衰疾嘗屬公必銘余及公疾篤執余手而愴然曰
子年先於吾吾亦自謂終當銘子而子今銘子其喪之歸子弟生徒合
辭以請嗚呼余安忍銘公雖然義不可讓也始余與公相見於相國安
溪李文貞公所文貞引公之袂以屬余曰是吾閩所謂蔡世遠聞之者
也遂定交及癸巳春余出刑部獄而公以是冬服闋至京師會新令翰
林科道在假者並休致而公之請假也旋丁父艱或謂宜自列於吏部
公曰吾聞古者受爵而讓未聞投牒以自申也時文貞公承編
御纂性理精義薦公公分校踰歲書成造余謀所處余曰天果不廢子之
學何患無周行坦步而出以編書復官去牒請一間耳遂固請於相國

碑傳二十三

五

以歸先是儀封張清恪公撫閩延公父主鰲峯書院而招公入使院其
訂先儒遺書至是大府復以鰲峯屬公公夙尚氣節敦行孝弟好語經
濟而一本於誠信由是閩士慨然感興於正學而知記誦辭章之爲未
也其家居設族規置大小宗祭田孤嫠老疾月有餼鄉人化焉環所居
三百餘家二十年無博戲者

今皇帝嗣位特召入都命侍

皇子講讀授編修五轉而至禮部侍郎公侍

皇子凡進講四書五經及宋五子之書必近而引之身心發言處事所
宜設誠而致行者觀諸史及歷代文士所述造則於興亡治亂君子小
人消長心迹異同反覆陳列三致意焉當是時兼保傅之任者皆執政
大臣政事方殷不得朝夕在側惟公奉事十年晨入夜歸無風雨之間
諸公背面多語余曰聞之忠信正直學足以達其言誠足以致其志或
過於闊疏而無近慮洵書所謂惟其人者也公議論慷慨自爲諸生卽
以民物爲己任及從清恪公遊吏病言無不盡政行眾服而莫知其
其自云辛丑夏臺灣蠢動大會鄉人聯伍團練助官兵聲勢平生好
善樂施出於天性故人皆信嚮旣貴士有志行及文藝之優必躬禮先

焉知其賢則思隨地而開通之汲汲如有所負然余每以公事至圓明園必宿公池館公薄暮歸常挽余步空林坐石磯至昏暝或達夜中雖子弟莫知云何而所諷度皆民生之利病吏治之得失百物之息耗士類之邪正無一語及身家淺事者嗚呼以公之志在竭忠

天子知人善任使得竟其志業未知所就於古人何似而扼以無年嗚呼惜哉公性淡泊所得祿賜半索之族姻知舊妻子僅免饑寒敝衣粗食視寡人或甚焉其居外寢設一榻一帷余至則以讓余而臥後夾室方夏秋蚊虻嗜膚竟夕不安而惟恐余之不淹留信宿也嗚呼此公之志氣所以隘乎海內之士君子與雍正四年公列爲九卿以待

皇子廷議多不與八年秋以族人事牽連吏議降一級調補及上特命復故職而公疾已不可振矣卒年五十有二所著二希堂文集十五卷鰲峯學約朱子家禮輯要合族家規各一卷所編性理精要歷代名臣言行錄論定古文雅正漢魏六朝四唐詩若干卷惟學約家禮

古文雅正及與高安朱相國共訂歷代名臣名儒循吏傳已刻行於世蔡氏世居漳浦之梁山故學者稱梁村先生銘曰其材天植其學不迷其志不欺其數非奇而不竟其所施匪予之私眾

心所棲

又蔡文勤公傳 賀代伯

蔡太傅諱世遠字聞之漳浦人康熙己丑進士館選庶吉士主講鰲峯書院雍正元年以編修

特召侍上書房讀五轉至禮部侍郎贈尙書諡文勤乾隆六十年晉贈

太傅尙風節喜言經濟敦行孝弟自受業清恪力正學學足以達其言

誠足以致其志尤懇懇興造人才欲陶冶而成之任道贊世焉其教

峯也以立志爲始以孝弟爲基以讀書體察克己躬行爲要教五峯諸

生曰澄本清源惟在義利一關教雷副憲鉉曰精義集義交易不息既

離講席猶致書晁山統軍曰興教勸學風聲以樹之誠意以孚之條約

以正之使博古通今長善救失必有一二爲世不可少之人出焉蓋既

以聖人爲必可學堯舜君民爲必可期故于人不忍漠且鄙所謂與人

爲善也所著有二希堂文集十五卷鰲峯學約朱子家禮輯要各一卷

所編有性理精要歷代名臣言行錄古文雅正若干卷文集學約家禮
古文雅正及歷代名儒循吏傳已刻行於世乾隆幾年院建祠祀公
又附蔡文勤公祠碑 沈廷芳

碑傳二十三

六

祠祀蔡文勤公自乾隆甲申二月春祭始也公少爲諸生卽以民物爲已任儀封張清恪公來撫七閩設鼇峯書院延公父爲師公隨侍焉後從清恪公遊招入使院共訂先儒遺書博觀羣籍洞徹爲學眞源既入翰林歸主鼇峯凡所講論悉本白鹿洞規自身心以至治平之道一以程朱爲訓而必本于誠更立五賢暨閩儒二十三子祠以崇正學多士感悅其學胥端數十年來猶聞風興起也尋以座主李文貞公薦召修周易折中性理精義時稱其采擇精當雍正間涪列卿貳以經筵講官入侍

今天子講讀凡進講經書性理必齋肅詳明務引于道

上敬禮之每字而不名朝士咸引周書謂惟其人蓋公以深茂之學純正之詣上承考亭西山不特爲當代之儒而已海內士以是宗仰之方佐春官公寢疾以族人事牽連吏議鐫級

世宗憲皇帝特原之俾奉故職及薨復爲震悼特予祭葬白蠟以歸其喪

今上嗣位晉贈尙書諡曰文勤官其一子且稱其經學閩深嗚呼觀兩朝聖主之于公恩禮若此則公之忠忱篤棊所以上契

碑傳二十三

七

宸衷者可知矣是不可爲人臣勸哉公汲引後進孜孜忘倦士有學行必禮下之其在鼇峯造就尤多雷副憲鉉鄭徵君文炳林通政枝春皆其高弟子也廷芳以年家子曾謁邸第辱公獎勵甚殷乾隆癸未忝居講席企公教思懷平如聆警欵諸生謂公已祀學宮而于書院宜立專祠春秋典祀余告于開府卽二十三子祠北葺舍三楹神依先哲而爲後進模楷亦公志也于是諏吉告虔謹奉粟主以妥公靈時公弟子嵩山山長吳編修嗣富實贊厥成偕余率諸生百人拜于堂下樂奏醴馨罔不虔肅愉快禮成作記以稟于石公諱世遠字聞之世居漳浦縣梁山之麓學者稱梁村先生

資政大夫禮部左侍郎特授尙書致仕郝公林墓誌銘

公諱林字中美一字筠亭先世居山西之洪洞有名成甫者始遷定州

今爲定州郝氏公父浴順治己丑進士官至廣西巡撫生子五公其仲

也以甲午年十二月生公於銀州成所少讀書機警七歲能屬文長益

肆力於學康熙辛酉雋鄉榜壬戌登二甲第四名進士癸亥丁外艱服

除補中書科中書舍人遷吏部驗封司主事旋陞員外郎協辦考功司

事隨少宰之陝勘獄同事或敗於賄以公管爭執獨免矣未入禮闈甲

申迴避歸里丙戌補稽勳司員外郎旋陞驗封司郎中十月調文選公持已廉正練於事情姦猾吏皆屏息搖手終公任無敢以意稍有所進退時目爲鐵面選司後富公甯安爲太宰事有難決者必曰視郝選司故案見重若此丁亥考選授禮科給事中戊子典粵西試己丑轉吏科掌印預會議侃侃爭執每至再三有不得或牽率畫題公獨否遇秋審亦然九列皆相顧曰郝君平日恂恂長者今乃如是皆歎服辛卯陞光祿寺少卿壬辰轉太常冬陞右通政癸巳轉左十月陞太僕卿甲午春命爲奉天府尹奉天寄籍者眾命案滋多公面奉

聖訓宜防未然涖任令戶懸一牌大書戒酒戒鬪戒帶小刀於上出入觀之踰年命案減半禁倉穀之勒借而浮收者凡田宅之岐界者清之子女之鬻他省及典旗下者請治其罪曰吾以實陪京也乙未晉宗人府府丞旋陞左副都御史務持大體以風僚屬丙申陞工部左侍郎部事繁重且多備豫弊以叢生鋪戶例得預借錢糧數萬兩按期責程輒悞公事有某鋪欲循故例屬居間者微言願爲公壽公正色曰此朝廷物敢輕以絲毫假人終不許外省奏銷及解硝觔棕毛等物例有部費解銅鉛者則曰解費公一切屏絕之壬寅

碑傳二十三

聖祖仁皇帝賓天雍正元年癸卯

龍輶奉移

景陵公奉

上命祀土前丁酉冬公辦

孝惠章皇后喪事至是五月復遇

孝恭仁皇后喪凡三大喪皆倚公以辦後又恭建

聖祖聖德神功碑敬謹督率終事無悞公之勞勩居多甲辰丁內艱奏

請終制

上諭回籍營葬事畢來京乙巳春

特旨補侍郎金世揚缺公入都以老病力懇解退

上溫旨勉留公感泣入署比歸寓卽白衣冠以居者三年丙午調禮部

左侍郎隨以目疾日甚具本乞休奉有老成謹慎之

褒特予尙書致仕

皇上之優眷老臣於是爲至也公留京就醫且以工部積逋例應分任

居邸者六年壬子六月奉

旨寬免公泣下曰

皇恩如天豈獨私老臣顧老臣無以報耳九月二十一日終於邸第享年七十有九歷遇覃恩敕授徵仕郎中書科中書舍人誥授奉直大夫吏部驗封清吏司員外郎中憲大夫通政使司左通政資政大夫工部左侍郎加二級前後所奉

恩賜甚渥高祖某曾祖某祖某皆誥贈光祿大夫高曾祖妣俱贈一品太夫人考巡撫公當按蜀時力守保甯城發吳三桂跋扈狀有大功卒爲名臣事具史傳誥封光祿大夫妣李氏王氏贈封一品夫人公王所出也繼妣蔣氏公門內之行甚謹丁巡撫公艱三年不之私室以王太夫人不逮事忌日輒思慕涕泣迎養蔣夫人於京邸有珍羞必先以進嘗之而後退弟楨困場屋公使之仕多方成就之歿復歸其喪於數千里外推廕於兄子誠燕而語其子曰汝當自奮也族人有走京師告急者輒傾囊以授歲歉輒命家中分穀貽之元配清苑張氏祖驃騎將軍某父某以名儒稱妣高氏婉婉聽從能執婦道適公十三年而卒年三十有一誥贈夫人公甚悲之待婦家有加禮繼配張亦清苑望族父倭順治戊戌進士龍安知府年十七歸公儉約謙和處妯娌無間言未嘗以絲粟私遺母家顧時屬公善待前夫人兄弟撫前女如己出人以爲賢卒年五十有二誥封夫人子一誠炳丁未進士後張夫人出女一適左副都御史劉公元慧子廩貢生宸誥前張夫人出孫男二璞埒孫女三長宇梁某次字高自佑次字張某初公年三十未舉子叔爲置妾至則泣曰人廷我不爲妾也公卽處之別室呼其父母還之且給道路費囑曰善擇婿毋再廷於人公生平不喜事不沽名在諫垣未嘗爲矯激嘗請禁餽送嚴勒索以杜虧空之源又請疏通教職壅滯皆獲施行雍正三年

特命京官俸銀米相等如旗下例迄公告休

上召廷臣諭曰此郝林所奏爾等知之公摺奏每自削藁雖子弟莫得聞多此類小雅曰靖其爾位好是正直其公之謂乎誠炳以某年月日合葬公夫人於某所以狀來請銘銘曰

中山之郝代懋潛德耕讀是勤維先中丞文武忠孝鬱爲完人撫粵之歲餉急民飢發我帑銀公歿未幾誣以侵欺蜚語上

聞有孤衰經匍匐哭泣以叫

帝聞

天子動容詔曰廉吏宜復其官予之葬祭樂始哀終喪車是旋卓哉孝

子昭中丞忠忠由孝伸孝子維何曰維尚書能紹厥先其紹維何誠樸不二酬

國厚恩此維尚書之藏既吉且安以貽爾後昆

工部右侍郎喬公世臣神道碑銘

杭世發

雍正十有三年正月三日少司空喬公以疾薨于位年僅五十越六月其孤大元等將返葬于其鄉撰次行狀千里走使來求麗牲之碑謹按公諱世臣字丹葵號蓼圃自曾大父南泉公始從泗水遷濟甯王考景進考發皆爲儒不仕公以康熙五十九年舉山東鄉試第一明年成進士改庶吉士

今天子御極之歲散館授檢討充明史館纂修官三年改吏部郎中是年八月奉

旨閱保定城工自九月以迄明年四月凡再賑武清饑一刷侵牟冒給之習會縣令輸米偶不繼餓者洵籍公以便宜借貯穀給之

天子以爲能晉階二級卽令出知嘉興府事尋丁父憂服闋補杭州知府復遭祖母朱太夫人喪承重持服假四月復起視事遂護理浙江按察使事旋

興神傳二十三

三十一

命署理江蘇按察使未半歲卽真公所至有惠政而聰辨彊毅發奸摘伏不可豪髮舉民以爲神九年晉通政使司右通政署理江蘇巡撫事務江蘇備儲倉糧較各省獨少乃奏請依雍正五年定例大小中縣皆令積貯米穀出陳易新民食既足緩急可恃京口駐防兵丁向無存貯銀兩惟恃蘇州藩庫調發相距稍遠動淹時日乃請撥入旗倉米折價銀二萬兩豫存鎮江府庫以待不時又以各省提鎮駐劄之地多有與會城隔遠者并請計鎮兵多寡量撥藩司存庫之銀近寄守牧并得俞允是年冬晉都察院右僉都御史實授江蘇巡撫松江海塘自金山至華山角凡四十里最爲險要自雍正二年今相國高安公奉旨修勘別築塘基易土爲石而華家灣以北海山土塘頽廢既久潮薄颶風發作其地每先受患又黃家灣以北海山土塘頽廢既久潮患尤甚公親相度形勢鳩工興築高下廣狹因地制宜捍海之塘迄今無患他若謹斥堠飭營堡開鎮江支河濬無錫城河起事興眾動爲民利皆有刻石茲不備書十一年七月

特召還京晉都察院右副都御史兼理工部侍郎事逾月晉刑部左侍郎仍兼工部十二年七月以疾請假

上遣御醫二人診視稍痊復力疾省事十月調工部右侍郎疾復作遂不起公內行純至任臻枚守兩遭大故哀毀骨立淚如灌霽上有一兄不幸蚤世葬歛盡禮撫其孤逾已出自少嗜學經根史概追探元本與修明史時嘗爲叢目若干卷旋移曹郎中輟爲文援筆立就雄深渾灑兼同父華父之勝遇事廉勁峭厲不以利害回疚其孤狀稱不沽名不市恩門無私謁家無餘貲蓋實錄也公娶於程處士美公女子二大元大愷皆太學生女二長適阮次字張今年某月日葬公於某原銘曰邠婁舊城碣磬古津川盤山鬱氣鍾偉入官從蓬山繼剖符竹執憲愼罰不教而肅行臺旣立銀印紫綯王之喉舌句吳建牙爲士轉節爲民足食捍海築塘恩比溟渤

帝嘉汝臣汝貳司空兼折庶獄作朕股肱奔走二職瘁於王事醫師實來藥對罔治觥觥我公道冠百卿通儒良史大猷是經梁竦七序劉迅六說鴻筆陶冶世秉科律騎箕躡尾將歸故都清白而終不遺其孤文無媿嬰狀公最質石墨鑄華庶免慚色

吏部右侍郎加都察院左都御史瑯琊王公沛恒墓表 李紱 國家重熙累洽之時必有魁艾耆德之臣出重於朝宇歸華於閭里始

終之節飭哀榮之典備穹碑廣隧照耀施劫世瞻喬木鄉崇社祀衣纓

歛歔旄倪感涕其蘊蓄設施具有根柢匪倖而致也雍正十年二月初

二日故吏部右侍郎加都察院左都御史致仕諸城王公卒於家遺疏

聞賜祭葬如典禮以其年十二月初七日葬所居相州鎮高直村先壠

之後原鉅公鴻生述德揚休銘誅相屬諸孤按察使棠暨弟槩復屬余

表公庸伐於墓道公諱沛慎字汝存名讀書之室曰念菴因以爲號曾

王父贈貴州按察使諱允升王父諸生諱恢基考由進士任廣東西甯

知縣行取部主事諱絨自考以上二世並以公遇覃恩贈通政司通政

使世有厚德人稱老實王家公生而英偉與伯兄中允沛思季弟職方

沛恂並以文章振聲相繼取科第公尤沈摯學務經世出賑秦荒乃丞

漳海屢斷疑獄信任罪督治海舟規小測大棄私從公悉前弊民以

和會時海氛旣靖裁兵議起介胃皇皇亡伍是基公進說缺勿補罷乃

汰需以歲時不震不誠大吏奇之遂兼攝興化泉州建甯三府事地廣

政煩益顯厥才益彰厥聞興泉七州田籍迯素累守莫釐乃幽老胥治

書於獄曰田清乃歸又號於眾自發者直後至則尤民恐獻情胥冊亦

治尋以憂去三年補任雲南臨安薦知浙江温州府首禁海埠捐丈斥鹵民困以蘇商亦大裕居二歲復以薦遷四川按察司副使分巡建南道鹽法病民土苗煽亂公單騎赴部黜商撫民徒黨立散若浮埃風掃春冰日判聲聞于天有

詔廷見遂遷貴州按察使民愚拜斗實繁有徒仇者惡之曰是藏袁進將為亂謀袁進者河南姦民在道者也巡撫恐發兵往捕公獨曰吁袁進就拘邸報具存是馬可誣乃得釋不詠旋遷廣西布政使治法益修以養以教民莫是求

今天子嗣統選賢與能公首內召授太常寺卿逾月遷通政使巡倉粵西讞獄兩浙並稱

詔旨授都察院左副都御史晉吏部右侍郎奉

命往稽山東司庫許過家省視先墓里人榮之還朝恩注禮遇華廡時年七十有二矣嘗因啟事

特詔與大學士陽城田公並不踞立待蓋異數也履滿思謙受寵益思

乃引年乞歸還淳反素

傳二十三

五

九重加恩許遂其初晉以崇階俾長憲府陛辭之日賜予便蕃春明祖餞都入聚觀公卿太息孰知公有始有卒節全名完者乎既歸五載然後告終先一月

聖主御書詩幅及偶句以賜公不及見然

天章燦爛下逮閒居三壽知與不知歎為希有公天資忠實尤敦孝友感官萬里奉親遺像未嘗少離兄弟怡怡既衰彌摯仲兒上舍沛懃負才早世公得二品廢官不私續似以庶兒子至於睦婣任恤戴仁抱義惠周三黨有加無已歲儉輒發廩用救族戚諄戒子弟傳為家法俾世濟其美是以棄賓客之日罷歌輟相巷哭市儻素衣冠相弔始以千計嗚呼盛矣豈非出則重於

朝宇歸則華於閭里者哉厥配既固端良淑嫕子姓並賢惟肖善繼既

諱於年諱系於幽誌不復贅焉表其大者如右系以誄曰

瑯琊之王受氏有媽丕冒寰宇故國尤滋五世八世昔契元龜維公海表舊德有輝出任旬宜入當倚毗既榮既哀嶽峙星垂豈伊邁跡世德是求保我後生堂則有基子子孫孫繼茲繩茲千秋旦暮視此豐碑

又左都御史王公傳曹一十

王沛檀字汝存山東諸城人父鉞廣東西甯令世居縣北相州鎮東巷

鄉人稱老實王家沛慎中甲子鄉試嘗從族祖戶部尚書騰如陝賑饑議敘選漳州通判會鞠龍巖盜案知府擬如原供上沛慎曰盜多賊少不足據况續自首賊之盜并非原供十三人中所有姑徐之已而自首盜斃於獄沛慎曰以滅口也如眾有口何呼失主廖前曰盜殺汝父讐大反殺無辜者以代汝讐死甘之乎且賊物真偽奚若廖涕泗言曰捕人與知之捕股栗曰事由縣主時令秩滿慮往於盜陰取無賴子充之既白釋六人於獄院奇其才留值季值季者府選一僚更番居會城理獄訟也閩防海戰艦三百餘無一存者急則賃民船以應沛慎白曰船事之壞由公費無出致有浮派浮派既夥變為包修而文武更互為利藪嗣後請一切支官帑勿使派民則武弁無所覬覦而包修之弊可革乃倣張髻舊法令匠製船式一廣不及尺以分當尺寸當丈累計之不爽毫髮工若直皆僕指以定旬月三百艘悉復舊觀耿逆初靖閩省猶宿重兵提督請汰之下其議督撫召沛慎計可否對曰裁兵是也驟裁之非也若輩父母妻子皆仰給月糧一旦除籍能自食其力乎且閩地負山枕海脫有不虞咎將誰歸不如無下裁兵令第簡老弱不任甲者去之罷役及死亡弗補不二三年兵不裁而自汰策之上也從之沛慎

神采精明善斷疑事所在興起事功視土俗所宜施誇誇持正不為苛

細以損政體嘗兼攝興化泉州建甯三府篆興化民爭地甲委一廢疾八日閩乙室忽夜失所在愬之沛慎曰是終匿不出也夫大聲叱甲曰汝驅就木之老併命於人而玷於死殺之由汝乙謀無左證奚究為遂下甲獄數日廢疾人出俞氏豪據莫孀墓前穴而有之俞墓木則拱矣而莫券文校四至字彙細互異更數官直俞細莫沛慎詰曰墓則莫上俞下也券則莫前俞後也而俞券如莫券云上至山頂則誰與盜售莫冢者始俞賄莫守冢人植木穴前而陰埋棺其下既成林而訟之則賄孀之姪以墨重蓋券四至為疑竇迄是乃辭屈先是閩為鄭賊割據田籍亂興泉七州縣民厯控之官畏其煩吏居其貨置不理沛慎喟曰使百姓有無田之賦可乎召老猾吏數人悉閉之獄命曰豐乃飲食給乃筆札籍苟不清毋望復出仍號於眾曰隱糧者速首免遲論如律吏皆惴惴懼罪浹旬事畢於是按冊稽地按地徵糧積弊盡豁建甯多火災延燒累日夜沛慎分府治為三十六方各計戶十設水櫃一水桶一鉤繩之物畢具戶輪之有警則持具奔赴火所難以是免富人娶窮民女生子而先許嫁之夫忽還訟富人介武弁以白金入沛慎笑卻之呼

窮民問曰汝尚有女乎曰有而未字也呼富人問曰白金五百兩猶在
乎惶恐曰在乃呼訟者前曰律本夫逃三年不還許告官改嫁況處女
哉而汝又十年不歸且汝奚取已妻他人之女以爲己妻也今以某次
女妻汝而妻汝故妻者出五百金以爲新妻奩若何訟者叩頭謝立命
與女囊金至其家妻之丁外艱服闋補雲南臨安府同知以清勤練達
薦升浙江温州知府首禁海埠以便商船斥鹵間有餘地瑞安令議清
文沛愷覆於撫曰溫民貧地瘠雖有尺寸未墾荒熟不常一切搜括必
傷元氣且

皇上子惠元元赦免錢糧動經數百萬而此一隅者獨令挨戶清查陞
科幾何派累不少徒啟吏胥窟穴甚非所以仰體

皇仁休養氓庶也請令額外已墾之田自行首報以免紛紜議遂寢而
墾田者亦爭先報焉沛愷之在泉也釐定田冊不少假在溫則不妄增
賦悉以餘利予民居二年廷薦才能陞四川建南道建昌衛界苗獠食
鹽惟民便巡撫議設商益課沛愷爭曰邊氓粒食既艱而斥鹵無征實
國家利民美意一旦盡取之恐民有離心不聽以阮某爲商巡撫家人
監巡捕迭邏之錙銖無所貸鹽價昂民苦淡食隨蟻聚爲亂萬餘人圍

碑傳二十三

語

建昌將肆掠沛愷在省聞變連日夜疾馳至單騎前諭曰爾民皆
朝廷赤子徒爲姦商猾吏所苦宜赴愬奈何相牽引爲亂階蹈不赦罪
眾皆哭拜曰民愚不知我公幸活我立解散沛愷乃下令革商一境以
甯沛愷之在臨安掌銀錫廠也悉逐土豪引官商用之在建昌則不立
商課以撫遠徼之眾調天下監司五員引

見沛愷與焉升貴州按察使貴陽民昏夜爲拜斗會或告其匿河南亂
民袁進巡撫遽發兵圍室獲數十人沛愷閱所誦經偈曰愚民惑福田
非爲亂且進被獲年餘相仇者猶以是中入邪檢邸鈔白撫疑頓釋升
廣西布政使核捐穀革圖差親給餉兌糧侵勒者不得逞桂林府有弟
羅其兄不法事若干條控縣沛愷批其牘下郡曰弟以爭產故輒摺撫
他事陷兄極刑果聽之是快弟殺兄之志而助之攻也謂風俗何牒下
兄弟皆悔罪太平土司請設學沛愷欣然曰侏儻之俗苟教之則王化
壹矣卽入告行焉沛愷所至留意教化在浙修劉基卓敬祠在川修文

廟創立講院集諸生肄業其中每去任士民謳思之雍正元年

上方簡用老成以劉廷琛代沛愷授沛愷太常寺卿踰月升通政使
命往浙江勘南潯命案時巡撫李馥以監斃之犯爲首抵罪餘未減沛

檀曰執買僮婢者爲誘逃而手斃三命以焚其屍四人者法俱應斬奚首從之分擬上

報可升左副都御史旋升吏部右侍郎

命偕山東總兵柏之藩察核各司俸工暨開銷等冊雍正五年沛愼年

七十有二侍班

上命同大學士田從典立聽訓旨蓋優其老也隨以疾乞休加左都御

史銜致仕陛辭

上命內侍扶入溫旨慰遣歸里五年年七十有七卒先是

遣官祭焉沛愼性篤厚赴義若飢渴遇族鄰有恩甲申東省飢斗粟千

錢小錢斥不行諺謂錢荒沛愼悉出向所儲粟不擇錢以糶且白知府

行部切諭錢通流人賴以活已而盜起團鄉勇數百親率堵禦且以粟

給無告者爲守望邑獲安已亥迄壬寅諸城歲比不登沛愼時宦粵

貽書子弟屢賑之不足則貸倉穀以濟之庚戌邑被水取莊田逋悉捐

之三黨之乏絕者計口授食次友次鄉之餓者傾倉廩其之曰此皆祿

入餘也

涿傳二十三

室

聖天子方蠲租發粟爲臣者又敢自肥鬻宮圯乃倡修之族之秀者延

名師教之地偏於鄉人之宅墓者輒割予之臨沒命其子槩曰賑族卹

鄰我志也我死汝兄弟竭力爲之嗚呼沛愼之出處均有裨於政教耳

矣沛愼識量凝定黔河西產白燕擬上聞沛愼曰小物不足稱瑞持本

邑發科兆耳既而果然童時侍父西甯方宴客巨蛇出屏後昂首尺餘

左右躍而前客盡走避沛愼手利刃直前斬之一座大驚

論曰余讀沛愼父子兄弟間爲書相誠勉藹然皆仁者之言遭逢

兩朝宣布德意綽乎有古牧伯風矣甫刑云匪佞折獄惟良折獄信然

哉信然哉

又王沛愼傳子本諸城縣志

王沛愼字汝存康熙二十三年舉於鄉三十三年隨戶部尚書王騰如

陝西振饑事竣議敘三十八年授漳州同知鞫龍巖盜沛愼謂盜多賊

少不足據已而盜有死於獄者事由縣令秩滿慮往於盜陰取無賴子

充之沛愼訊得實釋無辜者六人巡撫奇其才留居會城治獄福建防

海戰艦三百餘無一存者急則奪民船以應沛愼請支官帑制船旬月

而成時耿逆初靖提督請汰兵督撫與商可否沛愼曰第簡不任甲者

去之罷役及死亡弗補不二三年兵不裁而自汰策之上也從之沛愷善斷疑事喜興事功所至皆有異政丁母憂服闋補臨安同知以清勤練達薦陞温州知府首禁海埠以便商船瑞安斥鹵間有餘地知縣議清丈沛愷曰一隅者升科幾何徒啟吏胥窟穴耳使額外已墾者得自首報民感之五十二年陞四川建南道副使建昌衛苗民因鹽直騰貴蟻聚萬餘人圍城將肆掠沛愷時在成都連日夜馳至諭以禍福乃解五十五年陞貴州按察使貴陽民昏夜爲拜斗會或誣其匿河南亂民袁進巡撫遽發兵圍室獲數十人沛愷閱所誦經傷曰愚民惑福田非爲亂也且袁進被獲年餘矣檢邸鈔白巡撫疑頓釋五十七年陞廣西布政使核捐穀革圖差親給餉兌糧侵勒者不得逞

世宗御極累擢太常寺卿通政使

命讞獄浙江分別情罪皆平允因訪求其地吏治舉原任湖州知府吳簡民糾甯台道陳受漣皆奉

明旨後人始知之四年陞左副都御史旋拜吏部右侍郎時大學士朱軾兼部事深喜贊佐得人會如山東核庫帑給假省墳墓五年疾間作侍班時

碑傳二十三

三

命同大學士田從典立聽訓旨蓋異數也上疏乞骸骨加左都御史銜致仕陞辭命內侍扶入慰諭諄諄頒賜優渥歸五年年七十七卒事聞給全葬遣官致祭子三人長本次棠次榮

其端緒部尚書倚如左右手恭送

聖祖梓宮於馬蘭峪日食脫粟菜羹儼然倚廬中人歸邸舍不入私室靜海勵廷儀嘗稱之旋卒於官

附棠字尚木年十六舉鄉試雍正六年捐授工部虞衡司員外郎時發帑銀三十萬兩采購

景陵碑石經年不可得而帑銀已糜三之二

世宗降旨切責部尚書惶懼不知所爲棠請獨任率石工鑿山得石如式親鞭策昇至同官始免罪戾棠英毅勇於任事監督琉璃廠嘗產爲前官補欠銀部尚書器異之然陰忌其逼五年會盛京工部請員遂列棠名及引見

上忽詰以專擅部事蓋爲忌者所密劾棠乃歷陳苦累狀

上曰不自侵欺足矣代人出金甘之乎棠曰臣父沛愷命臣甯自損不

可以細事瀆

天聽也因及

景陵碑工情急淚雨下時部尚書侍郎皆在側

上詢問皆免冠謝榮受知由此始即授直隸口北道僉事給摺許言事
首効

皇莊王田莊頭不法寘於理又大同鎮總兵委員越境丈地大擾民宣

化懷安懷來三縣支應房結兵部胥私領火牌假冒報銷榮皆疏効允

嚴勘宣化舊有惠民渠可灌田旗民相爭三十餘年不決榮為清勘使

分渠其灌人立石頌之九年

下詔褒嘉謂榮實心任事內外大小臣工若皆如榮朕復何慮即加按

察使銜以示優獎時西陲未靖軍需紛綸榮上四策曰籌畫駐劄滿兵

之草豆曰添設邊外防守曰軍需馬匹宜使內地均買曰各部落蒙古

進口宜用印文稽查俱允施行疏十數上皆關軍國大計十一年加光

祿寺卿銜給

欽差大臣關防又

諭以軍功事重有機不可待勢不相及者聽榮為之不必拘成例榮在

口北八年權與督撫埒十三年被誣劾侵帑銀罷乾隆改元廷臣鞠之

得瀚雪以雲南道府用旋請終養歸十三年春

車駕東巡榮迎於濟南蒙慰問將錄用俄感疾卒年四十四

09102



1111